



0/0 Me.

Ad Librum.

Sis licet antiqua facie, morosaque
monstres

Ora: tamen te non serinia blanda
pavent.

*

*

*

Ipsa die Natali suo
Bibliotheca nostrae Scholasticae
hoc munus

offert

M. Bathasar Hoffmann
Rector et Biblioth. Praef.

Martisburgi d. III. Dec. MDCCCL.

16. 209

L 193,



Von den Diaphoristi-
stischen verfälschungen in dem grossen
buche/Actorum Synodiorum, das ist / der Inter-
rimistischen handel/vnter dem vermeinten Na-
men der Professorn zu Wittenberg ausgan-
gen/vnd auff's new widerholet.

Nothwendige Erinnerung durch M. Johannem
Wigand/vnd M. Mattheum Judicem.

Von einem Christen aus dem Latein verdeutschet.

Syrach. 4.

Liebes Kind/Brauch derzeit / vnd hüte dich für vn-
rechter Sache/Vnd scheme dich nicht für deine Seele das
Recht zu bekennen. Denn man kan sich so schemen / das
man Sünde dran thut / Vnd kan sich auch also schemen/
das man gnade vnd ehre dauon hat. Las dich keine Per-
son bewegen dir zum schaden/noch erschrecken dir zum ver-
derben / Sondern bekenne das Recht frey/wenn man den
Leuten helffen sol/Denn durch bekenntnis wird die warheit
vnd das Recht offenbar.

Rede nicht wider die Warheit/sondern las den hohn
uber dich gehen/wo du in der sachen gefeilet hast. Scheme
dich nicht zubekennen/wo du gefeilet hast/vnd strebe nicht
wider den strom.

Handwritten text in a Gothic script, likely a title or introductory passage, appearing as bleed-through from the reverse side of the page.

Handwritten text in a Gothic script, appearing as bleed-through from the reverse side of the page.

Handwritten text in a Gothic script, appearing as bleed-through from the reverse side of the page.



Handwritten text in a Gothic script, appearing as bleed-through from the reverse side of the page.

AB 154378

Handwritten text in a Gothic script, appearing as bleed-through from the reverse side of the page.



Grund vnd gebewde / der falschen Adia-
phoristen / wider die / welche ire Adia-
phoristische verfelschung straffen.



Welche Leren vnd schreiben /
das man sol richtig nach der warheit wan-
deln / vnd straffen aus gutem Christlichen
euer / vmb Gottes eher vnd seiner Kirchs-
en heil vnd wolfart willen / das man in Ar-
tikeln des glaubens vnd in falschen Ceres-
monien oder Mitteldingen / den vngleubigen / feinden vnd
verfolgern zugefallen / schendlich weicher vnd nachgibt /
Die sind abtrünnige Mammelucken / welche die Kirchen
irre machen / es sind feinde der præceptoren / der guten Künz-
ste / der hohen Schulen / des friedes vnd einigkeit / sie sind
erger denn die Papisten / man sol sie verbannen / veriagen /
mit feusten / stecken / schwerd / bengeln vnd schlagen.

Illyr. vnd viel andere Gottfürchtige thun das / daro-
vmb. Zench die schlinge feste zu.

Maior ist gewis. Denn es stehet geschrieben / Der heis-
lig Geist wird die welt straffen vmb die sünde.

Minor wird in der Adia-phoristen buch Acta Synodica
genant / bekant / Illyr. leugnet solchs nicht / das ers thu / Es
beweifets die erfahrung / vnd vieler Christlichen vnd redlich-
er Kirchen vrteil / die von diesen sachen one ansehung gros-
ser oder kleiner personen öffentlich an tag geben sind. Der
beschluss ist gewis. Denn also stehet geschrieben / Sagt vns
was wir gerne hören. Ir Seher sollet nicht sehen.

Grund vnd inhalt des streites / wider die
falschen Adia-phoristen.

A ij

Alle

Die die da weichen vnd nachgeben in den mittel-
dingen/sie sind gros oder klein/wo man eine noth
oder zwang/ober einen Gottesdienst daraus mach-
et/wo das Bekenntnis darauff stehet/ein ergernis/oder bö-
ser schein damit gegeben wird/ein abfal damit geschicht/
dem Antichrist solches zugefallen gereichet etc. Item einem
unglebischen oder verfolger/solches zu liebe gethan wird
etc. Die sündigen grausamlich / werden billich gestraffet/
vnd sind es für Gott vnd der Christlichen Kirchen schül-
dig / das sie den gethanen fal widerruffen/das ergernis
auffheben / vnd die turbirte vnd geergerte Kirchen wider
versühnen vnd bessern.

Die Wittenberg. Professorn haben das gethan.
Ergo. Darumb.

Maior ist gewis vnd klar aus der regel von den Adia-
phoris oder Mitteldingen/ davon man in Loc. Com. vnd
andern schrifften / ehe denn die Interimischen zerrüttun-
gen eingerissen/eintrechtiglich gelert hat.

Minor wird beweret aus iren eigenen Actis Synodicis/
oder Interimistischen Rathschlegen/welches buch sie mit
dem namen der Wittenbergischen Professorn haben lassen
ausgehen. Auch beweisen sie/das sie gewichen vnd nachge-
ben haben/das sie ein joch vnd dienstbarkeit angenommen/
vnd solches einem unglebigen/der dazumal jederman zu
der Ppstischen Religion öffentlich mit gewalt hat drin-
gen wollen/zu willen vnd wolgefallen.

Ergo.

Apologia oder Schutz schrift / M. Jo:
hannis Wigandi vnd M. Matthei Judicis.



Verleumbden/ heisset nicht alleine schlech
te lügen thun/ Sondern ware vnd rechte lere
vnd meinung/ vnd Christliche nötige vnd ehra
liche werck vnd thaten/ fürseztlicher weise aus
grossen mutwillen verfälschen vnd verkeren/
vnd also dasjenige / was für Gott vnd den menschen lo
bens vnd ehrens werd war/ giftiglich zu schanden vnd vn
ehre machen vnd anziehen. Demnach so kan kein grösser
noch grausamer laster fürnemlich den Dienern des Gött
lichen worts/ vnd in sachen Gottes wort vnd ehr betreffen
de / dazu nicht heimlich/ nicht bey wenigen in einer Stadt/
oder in einem Lande/ sondern durch den druck frey öffent
lich für der gantzen Welt/ auffgeleget werden/ denn dieses.
Vnd ist nicht ein Adiaphoron oder frey Mittelding wie et
liche Epicurer inen trewen lassen / das rechte beständig
ge vnd trewe Lerer der Kirchen/ wo man inen solch laster
öffentlich vnd vnuerholen schuld gibt / darzu stock stille
schweigen / es verbeissen/ verschlaffen/ vnd lassen es für v
ber rauschen/ vmb Friede vnd grosser leute ansehen willen.
Den es ist ja der streit nicht vmb eine hasel nus / oder vmb
eine handvol eher/ oder gunst/ sondern vmb die allerhöch
sten sachen der Kirchen/ nemlich vmb der warheit Gottes
vnd seiner ehre willen/ welche trewe diener der Christlichen
Kirchen vnd des Göttlichen Wort/ ernstlich/ einrig/ bes
tändiglich vnd öffentlich sollen helffen retten / vnd er
halten/ vnd in keinem wege zu lassen/ das die warheit oder
ehre Gottes mit scheutzlichen schandflecken der verleumb
bung/ in aller welt ausgetragen / verlachtet vnd verspottet
werde.

Derwegen hat es vns hertzlich wehe gethan / Das wir in dem newen Adiaphoristischen buche / von den Interimistischen hendeln ausgegangen / vor welches die Dichter oder Schribenten iren namen frey ausdrücklich nicht haben dürffen setzen / haben befunden / das wir arme vnd geringe diener vnser Herr Ihesu Christi sonderlich ausgemalet / vnd nicht ein / sondern etlich mal / als Verleumbder in die ganze welt ausgeschrien werden / nicht anders / denn als sessen dieselben Adiaphoristen / in einem herrlichen Triumph / da sie vns als gefangene vnd gebundene leute fürher fürten zu einem Scharospiel / vnd liessen ausruffen / das sind die abtrünnige leute / welche nicht haben mit vns / Je neher dem Babst je besser / wollen rathen etc.

Diese vorstehende noth / hat vns wider vnsern willen gedrungen / das wir vnser auffrichtige vnd ware bekentnis von diesen sachen / für Gott dem allmechtigen vnd seiner heiligen Christlichen Kirchen / öffentlich / klar / one alle Sophisterey / so viel Gott gnade darzu verleihet / haben müssen widerholen / vnd das ander vnsern lieben Gott alles hingeben / der da anders richtet den menschen Kinder.

Es werden aber in einer Kürtze auch andere / welche dasselbige buch mit namen oder one namen freuentlich antastet / mit Gottes hilfffe folgen / ire bekentnis darwider thun / vnd die warheit retten / wir wollen in des nur ein wenig vorher senden.

Was die Dichter / dieser ausgemachten vnd geschminckten Braut betrifft / wollen wir nicht viel wort von machen. Denn sie haben sich vnter den gemeinen namen wollen verkriechen vnd verhüllen / das man sie ja nicht kennen sollte. Wir wollen aber nur von der Heubtsachen des streittes handeln / vnd sagen nu hierauff / das wir nicht das jenige was gewis / warhafftig vnd bestendig ist / zerrütten oder waghaft machē / Sonder wir streitten / das man solchs mit
der

der vnwarheit vnd falschen dingent/ nicht sol beschmitzen
vnd schenden. Es ist nicht vnser fürhaben/ das wir die gu-
ten gaben/ die Gott gegeben hat/ verduncckeln wolten/ son-
dern wir zeigen das an/ das außserhalb den gaben Gottes
vnd wider dieselbe geschehen ist/ damit die gaben Gottes
unbefleckt bleiben. Wir brechen nicht das ansehen hoher
Leute/ sondern wolten gerne das die schandflecke/ welche
dem rechten ansehen schaden thun/ möchten abgeschafft/
vnd also ein Gottselig ansehen in seiner masse erhalten wer-
den. Wir streitten nicht wider die hohen schulen/ sondern
wider falsche meinung vnd werck/ die wider Gottes wort
vnd ehre sind/ auff das sie dieselbe fahren lassen/ vnd mit
reiner lere vnd heilsamen wercken/ blühen vnd grünen mö-
gen. Wir zerrütten nicht die Kirchen/ sondern streitten wi-
der verfelschung der lere/ vnd abfal zum Antichrist/ welche
stück die Kirchen Christi jemerlich zerrütten/ Auff das die
Kirchen Christi mit vnuerfelschter lere vnd Gottesdien-
sten mögen gros vnd herrlich sein. Diese vnser erzehlung ver-
ursachet/ das wir müssen begegnen vnd zurück treiben/ die
Sophistica vnd schendliche Verleumbdung das etliche als
so folgern vnd fürgeben/ Man straffet etliche ding/ vnd
nur solche/ die falsch/ vnrecht/ wider Gottes wort vnd er-
gerlich sind/ Darumb reisset man alles was da war vnd
ehrlich ist zu bodem Solchs lesset sich fein prechtig heraus
plaudern/ Aber es stehet keinem redlichen/ ehrlichen oder
Gottfürchtenden Manne wol an.

Das die verteidiger aller Adiaphoristischen Sünde vn-
hendel vns mit dem namen der verleumbder wissen zuuer-
ehren/ Kompt daher/ das wir vns haben mit namen vn-
terschrieben vn-ter ein büchlin/ darinnen etliche verfelschung/
die man in den Interimistischen vnd Adiaphoristischen
hendeln vnd hernach eingeführet vnd begangen/ angezeigt
ans aus gewissen gründen Göttlicher schrift sind ver-
dampft worden. Wenn wir nun solche verfelschung/ one

urteil vnd bedencken hetten gelobet vnd für recht geschol-
ten/so weren wir für liebe kinder gehalten/vnd würden hö-
ren/das man vns ehrliche/ beständige/nützliche lehr wür-
de rühmen. Aber weil wir das nicht gethan/so malet man
vns Esel / denen aber / die alle Adiaphoristische corrupte-
len/Abfal/Sünde Verfelschung/vnd Je neher dem Papst
je besser/ können verteidigen denen setzet man güldene Kro-
nen auff. Aber was hören wir doch in der Gottes werlet?
Ist es denn nun eine solche grosse vnuergebliche sünde in
der Kirchen Gottes / das man nicht geringe noch wenige
verfelschung in der Lere vnd Ceremonien/mit vnterschrei-
bung seines namens auch hilfft verdammen. Wir haben
nach vnserm einfalt bisher gemeinet / das Gottes wort
ernstlich gebiete vnd haben wolt/das man allerley verfels-
chung / sonderlich aber die gescheen an namhaftten or-
tern/vnd in gedruckten öffentlichen schrifften / vnd wider
Gottes wort vnd Ehre sind/in Gottes furcht/brüffen vnd
urteilen/vnd nach demselben verdammen/verwerffen / flie-
hen vnd meiden sol.

Nun zur sachen. Zwey ding treiben sie auff das aller
hefftigst vnd vnter stehen sich solche mit henden vnd füßen
vnd mit aller macht zuerhalten. Das erste ist/das sie in al-
len Interimistischen vñ Adiaphoristischen henden schlech-
ter ding gar keine verfelschung gethan/zugelassen oder ge-
billichet haben/vnd sind gantz Jungfraw reine.

Das ander ist / das es gantz vnd gar keine verfels-
chung sind/die wir als verfelschung/ anziehen vnd straf-
fen.

Weil wir aber einen Auszug aller Adiaphoristischer
verfelschung in deutscher sprach haben lassen ausgehen/
dahin wir vns alhie auch referirn vnd ziehen/vnd densel-
bigen nichts wissen abezubrechen/So wollt wir auff dis-
mal nur der kürze vns beuleisigen/vnd allein etliche aus
den fürnemsten verfelschungen für vns fassen / vnd dar-
von

von berichte anzeigen/darnach man doch auch die andern
leichtlich vrteilen kan.

Damit wir nun eine richtige Ordnung treffen vnd findē/
so wollen wir in einem jeden stücke diese zwey ding besehen/
erstlich das *factum*, die that selbs/ Darnach das *ius*, was das
recht darvon ist / das ist / erstlich / Ob sie solcher lere vnd
meinung ein vrsach / dieselbe geschrieben / gesezt/ geraten
vnd gelert haben/davon wir sie klar vnd öffentlich beschül-
digen/Darnach ob es verfelschungen sind oder nicht.

Im ARTIKEL DER RECHTFERTIG-
GUTS haben wir für eine verfelschung gestrafft vnd
verdampft/das man saget/Wir sind *SVRVIVENTJES*
durch den Glauben gerecht/eben an dem ort/ da man mit
den verkerten Papisten zuthun hat/welche zancken// das
der mensch durch seine Liebe für Gott gerecht werde.

Nun ist die frage / ob von jemandis im Artikel der
Rechtfertigung jemals also geleret vnd geschrieben habe?
Aber die sache ist bewiesen / klar vnd bekant. Denn in den
jzt ausgegangenen hendeln vom Interim vnd Adiapho-
ren/haben sie eben ire schrift lassen drücken / daraus man
nen stets solches hat fürgeworffen / V.2. stehet/Vñ ist im
Buch unbedechtig gered/das man erst warhafftiglich ge-
recht werde durch die liebe. Gleich als sey der mensch nicht
SVRVIVENTJES gerecht vnd angenehm für Gott vmb
des Mittlers willen durch glauben / Sonder sey fürnem-
lich von wegen eigener tugenden für Gott gerecht vnd an-
genem. Das sind ire wort. Es werden auch vber das/viel
gefährlicher redē daselbst eingeführet/als das in der Recht-
fertigung der glaube nur andere tugende vberschatte. etc.

Fürs ander ist die frage / Ob solchelere vnd rede sey/
eigentlich eine verfelschung des Artikels der Rechtferti-
gung für Gott? Es ist aber dieses auch gewis vnd klar/
das man hie von dem aller höchsten Artikel des glau-
bens

B

bens

bens/nemlich von der lere der rechtfertigung streitte vnd handele/welches der Christliche Leser ja wol vnd vleissig mercken sol. Es ist auch dieses offenbar vnd gewis / das die heilige schrift solcher weise zureden in dem Artickel des glaubens nicht gebraucht / auch das vnser Kirche / die Gott von dem Phariseischen / vnd Bepstischen saurteig hat gereiniget/in gemeltem Artickel solche form vn art zu reden nie nicht gefüret noch gebraucht habe. Ja wir haben semplich mit sonderlichem ernst nach den schriftten Pauli vnd der andern Propheten vnd Apostel / allezeit fürgehalten/getrieben vnd eingebildet die *exclusiuam*/das ist diese weise zu reden/Alleine durch den Glauben/one Gesetz / one werck des gesezes / one verdienst / one vnser zuthun vnd frömkheit werden wir für Gott gerecht vnd angenehm.

Wiewol man aber alhie ein ausflucht vnd winckelholz suchet/als hette man mit der form vnd weise zureden/wir werden **S****V****R****E****N****L****I****C****H** durch den Glauben gerecht/nur gemeinet die gegenwerdigkeit guter werck / so bestehet doch auch in solcher meinung diese rede nicht. Denn es ist nicht war / das wir fürnemlich durch den glauben für Gott gerecht werden/vnd nicht oder weniger fürnemlich durch mit einfallende wercke/vnd bleibet der Artickel vnd heubtgrund feste vnd vnberweglich / das wir **A****L****L****E****R****V****E** durch den glauben gerecht werden / nicht fürnemlich durch den glauben/nicht darumb das der glaube andere werck vberschattet / nicht darumb das er andern fürleuchtet/wie sie in derselben schrift / sein Bepstisch reden/Sondern **A****L****L****E****R****V****E** / **A****L****L****E****R****V****E** / **A****L****L****E****R****V****E** sagen wir/wie S. Paulus solches mit hohem Geiſt gewaltig treibet/*NISI per fidem*, nur durch den glauben. Denn der glaube siehet alleine Jesum Christum an/der hat gnug für vns all gethan/der glaube ist nur gericht vnd gründet sich auff Gottes gnade / vnd auff das verdienst Ihesu Christi. Es können ja alle vernünfftige menschen das ver-
stehen

stehen vnd vrteilen/ Das das wort **FORVM** JEZ/
eine geginander haltung oder vergleichung furhelt/
gleich als were man durch die werck *minus praeipue* oder
WERTIGER FORVM JEZ gerecht. Solches
ist an jme selbst liecht vnd klar/ vnd sol durch keine Sophi-
sterey noch meucheley anders gedeutet werden / den die
wort alda fur augen legen.

Es ist auch dieses mit vleis zuerwegen/ das man solch
es dazumal nicht one alles gefehr vnd vnbedachtsam ge-
redet oder herfür bracht hat / Sondern man hat mit den
Papisten zuthun gehat / von wegen des buchs Interim ge-
nant / darinnen eine verfelschete Lere / vñ vermengte Religi-
on verleibet / vñ auffgedrungē ward / darauff giengen alle
hendel vnd rathschlege / wie sie den jzt in irem grossen / lan-
gen / dicken / breitten / wunderbuche selbst frey öffentlich fur
aller welt dasselbe aussagen vnd bekennen. Derwegen so
wird die form / art vnd weise zu reden / aus sonderm vorbe-
dencken / bewegnis vnd abcirceln / den Papisten furge-
schlagen vnd zuliebe nachgegeben vnd bestetigt / Da man
doch hette sollen mit munde / henden / füssen vnd allen glie-
dern / so zu reden / feste halten / vber der *Exclusiva* S. Pauli /
das ist vber dem **ALLES** / **OR** **WERCK** vnd der
gleichen / vnd den Papisten frey vnter die augen treten /
vnd allerley öffentliche vnd heimliche verfelschung dieses
aller wichtigsten Artickels / aus gutem vnd gewissem grun-
de des Göttlichen worts / wie wir denn Gott lob vberflüs-
sig haben / widerlegen vnd umbstossen / vnd mit allem vleis
se vnd Gottseliger fürsichtigkeit vorkomen / das die Bep-
stischen nicht mit dergleichen verwirreten / hinderlistigen /
vnd seltsamen reden vnd lere / in irer meinung gestercket
würden. Denn ob gleich etliche möchten furgeben / als sol-
te es die meinung haben mit der rede / das wir **FOR-**
VM JEZ durch den glauben gerecht werden / das
man die Bepstischen wolte von der ordnung der guten
B ij *aus dem werck*

werck erinnern/welche vor oder nach giengen /jedoch so
bleibet der strumpff noch alda vorhanden / das wir *minus*
precipue/ das ist auch wol **SVRVRENZ** durch die
werck / aber doch in einem geringern grade / denn durch den
Glauben / gerecht werden / vnd solches nemen die Bepstia
schen gern / vnd mit freuden an / denn das ist ire lere / das die
werck mit dem Glauben gerecht machen / ob wol der Glau
be ein hobern grad / die werck einen nidrigern haben / eins
vorgehet als ein heupt / das ander auch folget als ein heupt
Wenn man aber solche rede nur fur dunckel / vnd ver
worren wil halten / die man auff beiderley meinung ziehen
kan / so ist ja dieses auch gewis vnd war / das die reine vnd
warhafftige Kirche Gottes / solche zweizungige reden der
Lerer / die man auff rechte vnd vnrechte meinung / in wider
wertigen leren / ziehen kan / ja die auch auff die lügen bes
ser / neher / vnd krefftiger gehen / den auff die warheit / wie
diese ist / Wie hat gelobet / angenommen / gebraucht / sondern
als ein gift verworffen / gemieden vnd geflohen / sonder
lich / weil man von denselben allerhöchsten sachen klar /
deutlich / eigentlich / one gesherligkeit vnd verblendung son
sten wol kan vnd sol reden / Derwegen wo etliche / aus ver
starretem vnd hohen muth / diese blendung oder rede / Wir
werde **SVRVRENZ** durch den Glauben gerecht /
Für recht / gut / für Gottes wort gemes / für klar / vnd vn
schendlich wollen verteidigen / auch zu der zeit vnd in den
hendelen / da man mit dem Antichrist vnd seinen gliederit
zuthun hat / die mögen gleichwol gedencen / mit was ge
wissen / lob vnd ehre für Gott vnd allen Christen / vñ auch
mit was frucht der Göttlichen warheit sie solches thun
werden. Denn es ist ja Gottes befehl / das man seine war
heit vnerruckt bleiben lassen / vnd wider den Antichrist
retten sol / seine ehre verteidigen / vnd das ein jeder sein vnd
ander gewissen / nicht irre mache / den nachkomen nicht ei
nen fallstrick / zu schaden der warheit / der seelen vnd des
ewigen lebens / lege. Aber

19
Abenda nimpt man einen zulauff/ vnd springe hin
ber/ vnd ergriffet/ eine gute deutung vnd auslegung / als
nemlich/ Das man an andern orten/ besser vnd klarer von
der gerechtigkeit rede. Antwort. Lieber freund / du mußt
dennoch auch andern gestatten vnd nachlassen/ das sie in
Gottes fürcht vnd redlichkeit / von dem ausgegangenen
buch vrteilen. Denn warum werden die schriften der
Christen vrteil vnterworffen/ wo man alles one vrteil vnd
nachdencken sol annemen/ vnd für recht halten / wie den
der Papst/ als der rechte Antichrist/ mit solcher Tyranny/
die gläubigen gefänglich gehalten hat. Das aber das vrteil
in solchen wichtigen sache des glaubens/ nicht nach eigene
gurdüncken sondern nach der richtschnur des Göttlichen
worts sol geschee/ da ist vnter vns gar kein streit von. Wenn
nun Gottfürchtige Christe/ diese lere lesen oder hören/ das
wir **SVRVENIT IES** / durch den Glaubē gerecht wer
den/ sehen auch den ganzen tractat/ darin solche lere stehet/
müssen sie warlich sagen vnd bekennen/ das man den Arti
kel der Rechtfertigung darinnen sehr schlin/ gering/ dunck
el/ verworren/ gefehrlich handele/ wie man zuvor in der rei
nē Kirchen Christi nicht hat pflegen zuthun. Nun sollen ja
die reden in dem aller nötigsten vnd höchsten Artikel/ da
ran vnser Seelen heil vnd seligkeit gelegen / billich zu allen
zeiten vber ein stimmen/ vnd solte die Bekenntnis eben al
da/ da man wider den Antichrist streitet / am allermeisten
in klaren vnd hellen reden leuchten/ Denn was ist die Lere
nütze/ die man im Friede fein dahin redet/ schreibet / predi
get/ wenn man sie für dem Antichrist wider verdunckelt/
verwirret/ vñ mit seiner zungen vergleicht. Ob aber gleich
in dem Tractat/ da diese zweizüngige Lere innen verfas
set/ nicht eine ganze auslegung dieses Artikels ist / jedoch
solte man darinnen Klar/ vnd one verblendung reden/ vnd
sagen mit einer richtigen zungen / was war / was falsch
were/ wenn es gleich wenig wort/ aber doch gewis/ liecht/
warhaff=
B ij

warhafftig/kräftig vnd bestendig weren/denn man stehet
für dem feinde.

Wenn man aber solche Rede / der gemeinen Kirche
vnd Zagmütigkeit/welche dieselbezeit die Lerer vnd ande-
re eingenomen/wil zuschreiben/wie wir es denn auch da-
für halten/das solche zweifel Lere daher geflossen/so blei-
bet doch noch dieses/wie gelinde man es gleich verdrehen
vnd deuten wil / das es eine zweizüngige vnd verwirrete
Rede sey/welche viel mehr die Hebstische/falsche Lere be-
stetiget/den unsere. Denn es ist weltkündig / das die He-
bstischen solcher Form zu leren/in irer meinung gebrauch-
en. Derwegen mus man solche zweizüngige Rede/ vmb der
Gefehrlichkeit willen/welche darinnen verleibet ist/aus der
wahren vnd reinen Kirchen Christi /werffen vnd verdam-
nen.

Wenn auch die jenen/die solche Lere vnd Rede/
im Streit/wider den Antichrist haben auff die Bane vnd
Beine bracht/sonsten eine reinere Meinung von dem Ar-
tikel haben/auch reiner dauon schreiben/so sol es warlich
keinen ehrliebenden vnd Gottfürchtigen Christen verdrief-
sen/das man solche gefehrliche vnd zweizüngige Reden
vnd Lere/aus der rechten vnd reinen Kirchen Christi/ ver-
werffe vnd verdamme.

**IM ARTIKEL DER RECHTFERTI-
GHEIT** haben wir diese Lere/mit vielen andern Kirchen
vnd Christen / für eine verfelschung gestrafft vnd ver-
dampt/Das gute werck zur Seligkeit oder Gerechtigkeit
nötig sind/vnd/Das unmöglich sey / one gute Werck ge-
recht oder selig zuwerden / vnd /Das niemand one gute
Werck sey jemals selig worden.

Nun ist die eine frage/ob in dem Artikel der Rechts-
fertigung/vnd sonderlich an dem orte / da von der Anne-
mung für Gott gehandelt wird/ jemand also geschrieben
habe/Aber das ist nun weltrüchtig. Denn in Adiaphori-
stischen

stischen jetzt angegangenen handeln stehen im 3. 2. diese
wort. Diese Proposition ist aller ding war / Das niemand
one Liebe vnd gute Werck selig werde. Darzu so ist mer-
ckens werd / das eben an dem orte Gerecht werden / vnd
Selig werden fur ein ding / in gleichē verstande gebraucht
werden. Item im 10. 3. Es ist gewislich war / das die tu-
genden Glaube / Liebe / Hoffnung vnd andere zur seligkeit
nötig sind. Item im Leipzischen Beschlus sind eben dies-
selben wort ausgedruckt / Also ist gewislich war / das diese
tugenden / Glaub / Lieb / vnd Hoffnung / vnd andere in vns
sein müssen / vnd zur Seligkeit nötig sind. Dieses wird weit-
ter vnd klarer ausgestrichen in dem buch Maioris / wider
herr Amsdorffen / mit den Worten / Das bekenne ich aber
(sagt Maior) das ich also vormals geleret vnd noch lere /
vnd förder alle mein lebtage also lere wil / das Gute werck
zur Seligkeit nötig sind / Vnd sage öffentlich / vnd mit
klaren vnd deutlichen Worten das Niemand durch böse
Werck / selig werde / Vnd das auch Niemand / one gute
Werck / Selig werde / Vnd sage mehr / das / Wer anders le-
ret / auch ein Engel vom Himmel der sey verflucht. Item /
Darumb es vnmöglich / das ein mensch one gute Werck /
Könne selig werden. Das sind Maiors wort. Darnach so
hat er solche verworrene vnd Bepstische Wort vnd Lere /
mit abenteuerlichen vnd seltsamen Blendungen öffentlich
sich vnterstanden zuuerfechten / vnd mit wunderlichen / wi-
derspenstigen vrsachen vnd farben wollen ziehren. Andere
geringe Schreiberlin die mit ankleben / vnd schartecklin /
lassen wir jetzt fur vber passirn.

Die eine Frage haben wir weg / den ire eigene / gedruck-
ten Zeugnis stehen fur augen / Nun kompt die andere / Ob
man solche Lere mit recht / fug vnd billigkeit / fur verfel-
schungen habe gestrafft. Hierauff vermanen wir erstlich /
den gütigen vnd Christlichen Leser / das diese Lere in dem
Artickel der Rechtfertigung vnd dazu in die weise der Ana-
nemung

nennung für Gottes gericht/gezogen vnd gesetzet sind. Dar
nach bekennen sie frey zu/ vnuerholen/ Wie Ji. 2. stehet/ das
diese art vnd form zu reden/ aus dem Augspurgischen In-
terim her geschepfet vnd angenommen sey. So ist ja nicht
ein willkürlich ding in der rechten Christlichen Kirchen/
das man in den aller höchsten Artickeln des Glaubens/
des offenbarten leidigen Antichrists Zunge / anneme vnd
gebrauche / sonderlich / da man für gewis weis / vnd für
augen sibet/ das mit solchen Reden der rechte Kern der An-
tichristischen verfelschung erhalten/ gemehret vnd besteti-
get wird/ vnd ist fürwar nicht vergebens geredet/ das Pau-
lus befhlet/ Man sol die Form der gesunden Lere behal-
ten. Darnach wird diese sünde noch grösser gemacht/ wenn
man sich nicht schemet/ solche Blendungen vnd Zülldeck-
en vieler verfelschungen/ auch öffentlich / vnd fein artlich
zuverteidigen vnd heraus zu putzen/ als weren es rechte Le-
ren/ die jederman annemen/ vnd den Rednern oder fedder-
machern noch darzu dancken sollen / das sie des Papsts
Irthum vnd Verführung/ so hübsch anstreichen/ krönen
vnd jederman fürtragen können/ wie man diese jar anher
aus Zancf vnd Ehrgeitz redlich seine Kunst vnd wolredenz-
heit/ mit schand vñ vnehr der Lere Christi/ die Gott durch
D. Martinum Luther / seliger gedechtnis / hat Deudsch-
land predigen lassen / bewiesen hat / Vnd wil noch nicht
das peccau heraus. Halt mir aber dieses lieber Christ/ nicht
für einen geringen stich im Herzen/ das sie sich nicht sche-
wen noch darzu Ji. 2. bekennen / das diese art der Lere/
Gute werck sind nötig zur Seligkeit / in vnsern Kirchen
nicht gebrauchlich sey / ja sey auch ZVVR nicht ges-
brauchlich gewesen. Sie solten aber dieses auch hinan set-
zen/ vnd mit nichten vergessen/ das D. Martinus Luther
seliger/ jr aller vnd vnser/ Præceptor/ solche Rede vnd Les-
re/ in der Vniuersitet zu Wittenberg/ in öffentlicher freier
Disputation/ hat verworffen vnd verdampt/ als zweizün-
gig

gig falsch/vnrecht/vnd schendlich den Gewissen / Wiewol
etliche dieselbe disputation jtziger zeit anknarren / wie die
hunde einen stein/den man nach jnen wirfft. Ohne zweiffel
würde der trewe Diener Gottes/ solches nicht gethan has
ben/wenn man dieselbe zeit/diese Lere hette können mit bes
stendigen vrsachen vnd gründen ein wenig serben vnd
schmücken. Man hat auch vber das / solcher öffentlichen
Verwerffung vnd Verdammung nicht widersprochen / so
lange bis die schöne frucht des Römischen Antichrists
des Papst/ das Interim / ist ans liecht geboren worden/
vnd in einer hübschen Engels gestalt/vnd in einem bunten
Rocke herfür gangen/ Da war es nun die zeit / das man
das verbante vnd begrabene kind des Papsts / nemlich/
Gute werck sind nötig zur seligkeit / wider herfür brechte/
vnd auff's new der Kirchen in den schoß stossen / vnd ein
dringen hat sollen.

Es ist auch gewis vnd war / das weder die Prophe
ten/noch Christus/noch die Aposteln / in dem Artikel der
Rechtfertigung/vnd der Annemung für Gottes gericht/
solcher oder gleicher form vnd weise gebraucht haben. Vñ
mag der Christliche Leser wol drauff achtung geben/was
wir sagen/Es ist der streit/ von dem aller fürnemesten teil
der Annemung für Gott. So ist auch offenbar / wo man
anders nicht am hellen liechten tage/ mutwillig blind sein
wil/das vnser Gute werck/in vnser Rechtfertigung / da
mit wir für Gott bestehn/ Gerecht geschetzt werden / vnd
haben vergebung der sünden/nicht sind Efficiens noch Mate
rialis/noch Formalis causa/das ist weder die vrsach / noch das
wesen derselbigen Gerechtigkeit / Sondern nur fruchte/
folge/anzeigung/zeugnis.

Vber das ist gewis/das der Glaube alleine sey das
wergzeug/damit wir die Gerechtigen(welche ist das Ver
dienst vnd Gehorsam Ihesu Christi/oder die ganze erfül
lung des Gesetzes durch Christum geschehen/ Ro. 5.8. 10.
C ergreifen

ergreifen vnd annehmen. Item diese rede/ Gute werck sind
nötig zur Seligkeit / Kan in allen sprachen nach irer art
vnd natur / nicht anders verstanden werden / denn das
eine *Causa* / eine vrsache mit eingeschlossen vnd fürbracht
wird.

Die scheden/so aus dieser gefehrlichen vnd zweyziun-
gigen Lere herfliessen/sind nicht gering scherzig / als das
Causa vnd *Effectus* / die vrsache vnd die fruchte / das Gesetz
vnd Euangelium in einander gebracket/vnd die gewissen/
wenn sie im angstschweis liegen/in grausame vnd vnüber-
windliche zweinelung werden geworffen / Als wenn ein
arm/schwach/ schwanckend schifflein / durch einen vnges-
tümten wind/in einen Steudel würde geworffen/ vnd her-
umb gedrehet/bis das es vnter säncke. Denn Gottes gnad
vnd vergebung der sünde/wird jnen gantz vnd gar vnges-
wis gemacht. Denn wenn die guten Werck aller ding vnd
also nötig sind zur Seligkeit/das/wie sie sagen / leren / öf-
fentlich drücken dürfen/niemand one gute Werck könne
Gerecht vnd Selig werden/so müssen die gewissen schwan-
cken vnd zweueln/des können sie sich nicht erwehren / ob
sie solche/vnd auch so wichtige vnd köstliche gute Wercke
von jnen selbst haben/die da konten für Gottes angesichte
gestellt werden/vnd daselbst bestehen / ire Sünde vberwes-
gen/tilgen vnd abwenden? Darzu müssen sie solches thun
wider die offenbarten / schönen / herrlichen Zeugnis vnd
Exempel der heiligen Schrift/welche gewaltig zu allen
zeiten beweisen/das ein armer Sünder / der da nicht mit
Wercken vmbgehet / vmb sonst / one Werck / aus lauter
Gnade vnd Barmherzigkeit/ alleine durch das verdienst
Jhesu Christi angenommen/losgesprochen/vnd gerechtfert-
iget werde.

Man solte auch billich vieler warhafftiger / bestendi-
ger vnd gelerten Kirchen vrtail(welche gute zeugnis reiner
Lere hab. n/vnd mit warheit nicht können getadelt wer-
den)

Den von diesen gefehrlichen vnd schedlichen Leren öffent-
gethan vnd ausgegangen/nicht verachten/wie man den aus
hohem Geiste vnd muth thut/ob gleich die Personen von
etlichen für geringe/gegen dem widerteil/werden gehalten.
Denn der Streit ist nicht von den Personen / sondern von
der Lere/dauon ein jeder Christe nach Gottes wort/macht
vnd befehl hat zu vrteilen. Denn die Lere ist nicht alleine
den hohen oder qualificirten Personen / sondern der ganzen
Christlichen Kirchen gegeben.

Das man aber sagen wil/es werde diese Sache son-
sten Klerer gehandelt/vnd sey die meinunge nicht/das man
wolle die Papistische Leer vom verdienst gutter Werck/
die seligkeit belangend/nachgeben oder annehmen/Darauff
ist diese vnser antwort/Man sol nicht *Contradictoria* wider-
spenstige Lere führen. Denn durch solche papistische reden/
wird das jenige was sonst Recht vnd schlecht geleret ist/
verwirret vnd umbgerissen / vnd weil die Glosen so man
vber solche texte vnd sprüche macht / wider den text vnd
Recht lautende Rede ist/wie solches genugsam an seinem
ort erwiesen/werden sie billich für vngereimpt vnd sched-
lich gehalten. Vnd ob wol diese ergerliche Rede / außser-
halb dem streit / vnbedachtsam könnte einem entfaren/jes-
doch/weil sie nun in den Streit gerathen/kan man sie one
mutwillen vñ freuel/vñ grossen schaden der Kirchen/nicht
verteidigen. Denn es gehöret grosse kunst vnd deutley dar-
zu/das man des Antichrists zunge / vnd sprache / mit des
H. Erren Christi/vnd der Rechten Kirchen zunge vnd Leer/
Item des Wolffs geheul / vnd des frembden Hirrens ge-
dön/mit des H. Erren Christi lieblicher stim vnd Sprach
vber einstimme/ja es befihlet der H. Er. Ihesus Christus/
das man die stimme des frembden Hirren / nicht hören/
Sonder fliehen/vnd einen abschew dauor haben solle/vnd
mit nichten mit einerley zungen mit jnen reden.

Es kan auch nicht mit gutem gewissen hierzu/der

C ij

spruch

Spruch zum Römern am zehenden/ So man von Herzen
glaubt/ so wird man gerecht/ vnd so man mit dem Munde
bekennet/ so wird man/ Selig gezogen werden/ Wiewol et-
liche sich nicht scheuen/ iren Siegschild darauff zu stellen/
vnd drauff zu trozen/ wenn sie Menschenschriften an gro-
ße Herrn verschicken/ damit sie sich einfließen in ire Gnade/
vnd andere mit lügenhafftigen beschwerungen vnd auff-
lagen verdacht/ vnd gehessig machen. Denn es ist gewis
vnd offenbar/ das Paulus/ im Artickel von der Gerechtfert-
tigung/ wenn er zwar eigentlich/ aus vorsatz/ vnd mit ernst
handelt von der Annemung des armen sünders vor Gott/
nirgend dieser Form vnd Rede gebrauchte/ gleich wie auch
weder Christus/ noch die Propheten thun/ Darnach zweif-
eln wir gar nicht/ das Paulus mit solcher Rede habe wol-
len/ wie er denn sonst oft thut/ den spruch in Psalmen
widerholen/ vnd erklären/ Ich glaube/ darüb Rede ich/ das
ist/ Er habe wollen leeren/ das die Bekentnis aus dem
Glauben komme/ welche sey ein anzeigung vnd gewisses
zeugnis der entpfangnen seligkeit vnd gerechtigkeit/ durch
den Glauben.

Vors dritte/ so ist auch das offenbar/ das Paulus
außerhalb des Artickels von der Rechtfertigung/ die-
se gewonheit habe/ das er gemeine sprüche setzet/ die beide/
de Causa & de Effectibus reden/ das ist/ das er die Leer von der
Gerechtigkeit des glaubens/ vnd von den Früchten dersel-
ben/ mit wenig worten/ in kurzen vnd runden sprüchlin/
zusammen fasset. Vnd dasselbige sagen wir/ thue er auch in
diesem Spruch. Denn das Paulus saget/ So man von her-
zen glaubet/ so wird man gerecht/ das verstehen wir von
dem Artickel von der Rechtfertigung/ vnd halten es da-
für/ das Paulus eben das damit meine/ das er sonst sa-
get/ Rom. 3. So halten wir es nu/ das der mensch gerecht
werde/ on des Gesetzes werck/ Allein durch den Glauben.

Das ander teil aber/ So man mit dem Munde bekennet/
net/

net / so wird man Selig/verstehen wir von dem Artikel
oder Leer von den guten Wercken/oder von den Früchten
der Gerechtfertigung/ Vnd achten es davor das es eine
gleichlautende meinung sey/mit dem spruch Ephes. 2. Wir
sind sein werck geschaffen in Ihesu Christo zu guten Wer-
cken/zu welchen Gott vns zuvor bereit hat / das wir dar-
innen wandeln sollen. Item mit dem/Philip. 1. Welches ist
jenen ein anzeigen der verdammis. Auch aber der Selig-
keit/vnd dasselbige von Gott.

Derwegen ist es kein Bubenstück/so wir es geben/vnd
auslegen durch andere gleich vieltragende Sprüche / als
mit dem Munde bekennen / oder das mündliche Bekent-
nis/das ist ein anzeigen der Seligkeit / oder die Bekentnis
der Seligkeit geschicht mit dem munde. Aber man behalte
des Heiligen Geistes wort/wie sie im Psalm stehen / Ich
Gleube darumb Rede ich.

So wir nun diese stücke vnrecht zusammen fügen/vnd
eins durch das ander nicht recht erklären/bitten wir / man
wolle Klar vnd deutlich/one verwirrung erweisen/ woran
es feile / vnd was zwischen diesen der vnterscheid sey / das
mündliche Bekentnis ist ein anzeigen der Seligkeit / durch
den Glauben empfangen/ vnd mit dem Munde bekennet
man zur Seligkeit.

Es schreitet aber Maior gar zu weit aus dem wege/
da er fürgibet / das man auch durch das Bekentnis die
Seligkeit ergreiffe. Es wolten die Vrtelsprecher alhier
nun ein wenig anhalten / vnd bedachtsam Richten/ vnd
aussagen/ Ob vnserer auslegung die wir aus dem 116. Psal-
men setzen / vnd welche sonst in der Heiligen Schrift
klar wird gegeben/ Ob der des Maioris / Mit dem Bekent-
nis ergreift man die Seligkeit / sich am füglichsten mit
Pauli Worten Reime/ vnd zustimme?

So viel vns bewust so hat man bisher in vnsern Kir-
chen vnd schulen aus Pauli schriften/geleret/das man Al-

leine mit dem Glauben/die zugerechnete Gerechtigkeit er-
greiffe vnd anneme. Aber solche Leer mus nun herhalten/
vnd sich lassen umbstossen/vnd kan auch nicht bestehen/
so das Bekenntnis auch mit ein werckzeug ist / damit man
die Gerechtigkeit/oder die Seligkeit ergreiffet.

Es helffen sie auch nicht die ausflüchte/so sie suchen
durchs wort / Salus / Seligkeit. Denn der streit ist von
dem Artikel von der Rechtfertigung/vnd von der Anne-
mung des sünders vor Gott/vnd sie zwar selbst(welches
wol zumercken ist)setzen diese wort/Gerechtigkeit vnd Se-
ligkeit/Gerecht werden vnd Selig werden/in einerley Mei-
nung in iren vngereimpten propositionibus.

Es kan auch diese Linderung vnd entschuldigung
nicht stath haben/das sie sagen / man solle die proposition/
Gute werck sind nötig zur Seligkeit / verstehen / von der
gegenwertigkeit etlicher guten Werck vnd bewegungen / in
der Annemung vor Gott. Denn von der Ordnung die
Gott helt / wenn er vns menschen rechtfertiget/ nemlich/
das Er diese bewegungen wircket/das die gewissen durch
Erkenntnis der sünden werden zurschlagen/vnd durch den
Glauben Gottes barmherzigkeit/vnd das verdienst Ihesu
Christi ergreifen/vnd daran sich lehnen / auffrichten/
gründen vnd trösten/ist zwischen vns der streit nicht. Ober
das so sind diese Reden nicht einerley vnd gleichtragende/
wenn man saget/ In der Annemung vor Gott sind etliche
Werck vorhanden/vnd Gute werck sind nötig zur Selig-
keit. Es wird kein mensch der bey der Vernunfft ist / kön-
nen sagen / das diese zweierley Reden einerley meinung
haben.

Vnd endlich so ist es ganz vnleugbar/das diese Leer-
ren / wie wir sie in der ersten frage dieses Artikels erzelet
haben/Gefehrlich/vnd des Antichrists zunge / vnd zu sei-
nen Verfelschungen dienstlich sind/vnd das die Gewissen
dadurch in mancherley anfechtung vnd verwirrung gefü-
ret

ret werden. Vnd zwar sie sagen selbest / das solche Reden
in den Kirchen Christi/welche von dem Papistischen saws
erteig/vnd verfelschungen gereiniget sind/ nie für Recht er
kant/noch gebreuchlich gewesen sind. Sie haben auch An
dern gerahnten/ das sie nicht dieselben in der Kirchen ge
brauchen sollen/Darumb/das sie also lauten / als verdien
eten die gute Werck die Seligkeit.

Derwegen haben wir mit gutem fug vnd Recht / dies
selben Reden oder sprüche gestraffet vnd verdammet / als
sie selbest müssen vrteilen vnd bekennen/ Vnd solten diesel
ben bücher /darinnen solche zweizüngige / verwerffliche/
vnd ungebreuchliche leeren ausgegossen vnd verteidiget sind/
nicht izund auff's Neue widerumb von men auff die
Ban gebracht/vnd ausgeschet werden. So aber noch et
liche heimlich münckeln/vnd vermeinen/es sey ein vnnotig
Ding/das man solche formeln der Leere verbiete / darumb
das die Sache an jr selber / vnd ire gründe / der heiligen
Schriffte nicht ungemes sein sollen/die mügen zusehen/mit
was gewissen sie sich in solchen wahn vertieffen. Den es ist
dem also/das die heilige Schriffte also redet/vnd leeret / so
ists vnrecht/das mans nicht wolle oder solle gebrauchen.
So sie aber der heiligen Schriffte ungemes sind / wie denn
offenbar/vnd erstritten/so mus vnd sol man sie auch gantz
lich verwerffen vnd ungebraucht lassen.

Aber man verwerffe solche ungerempfte / vnd sched
liche Redē entweder zum Schein/oder aus rechtem Ernst/
so ist's doch gut vnd nutz / das sie nur verworffen werden/
vnd ist wider alle recht vnd billigkeit/das man vns vnd an
dere/die wir sie ernsthaftig verwerffen / vnd als eine gros
se verfelschung des Artickels von der Rechtfertigung ver
dammen/für Verleumnder ausschreibet/vñ verunglimp
fet/Vnd wenn man diese sache am liecht besiehet/so mach
en sie sich selbest zu den grosten verleumndern vnd verke
tern der leer/in dem/das sie bekennen/man solle solche Red

Den nicht gebrauchen/sondern verwerffen/darumb/das sie
auff das Verdienst der Seligkeit durch gute Wercke lau-
ten/vnd gleichwol nichts desto weniger dieselben/mit gros-
sem Schaden der Kirchen/ mit seltsamen glöslin vnd far-
ben öffentlich anstreichen/vnd verteidigen. Sie vberzeu-
gen sich auch noch mehr/das sie Sophisten vnd Lestere-
r sein/damit/das sie one alles auffhören/die jenigen/ so den
anhang *Ad salutem*/zur Seligkeit nötig/straffen/lestern vnd
schenden/vnd greifflich vnd gröblich beliegen/ als lereten
sie/man solle nicht gute Werck thun/oder gute Wercke we-
ren nicht nötig. Es vrteile vnd Richte ein jeder der nur eine
Vernunft hat/ob das nicht sey eine verkerte Verleumb-
dung/wenn einer also wolte schliessen vnd folgern. Diese
streiten wider die Interimistische / vnd Papistische leer/
Gute werck sind nötig zur Seligkeit. Derhalben so ist es ge-
wis/vnd kan nicht anders sein (verstehe nach des Teufels
Dialectica) das sie leeren/ es sey nicht nötig das man gute
Wercke thue. Lieben Herren/heist das nicht sophisterey / so
möget jr sie noch besser lernen. Lieber wie heist die Regel
vnd leiste in der *Dialectica*/ darüber man solche pludermans
schue schlecht.

Wir leren öffentlich / ausdrücklich / vnd klar / das
man müsse vñ solle gute Werck thun/von wegen des Göt-
lichen gebots/vnd protestiren öffentlich/das wir alleine den
Anhang straffen / *Ad salutem*, zur Seligkeit nötig. Aber die
Verkerer haben weder ohren zu hören / noch augen zu se-
hen/denn sie haben bey sich beschlossen/das / weil wir für
dem Papistischen breeck ein abschew haben/sie vns noch
dazu beseichen wollē. Was gilt es ob sie dem Wolffgango
serodistel / dem vnuerschemeten vnstetigen Münche / ein
wörtlin werden sagen/ darumb / das er newlich geschrie-
ben hat/das es Maior mit der Papistischen Kirchen hal-
te/dieweil er lere / Es könne niemand one gute Werck sel-
lig werden.

III

Item dem artickeľ von der Rechtfertigung/haben wir neben vielen andern gestraffet für eine Verfelschung / oder ja für einen bösen schein/vnd antrit zur verfelschung / das man fürgegeben/man wolle vber dem wort / Sola / Allein/ in dem spruche/Wir werden alleine durch den Glauben gerecht/nicht streitten/Sonderlich da man mit den Papisten zuthun hat/wenn sie der reinen Leer nach der Keelen stechen/vnd als feinde der Wahrheit/ire gute werck in den Artickel von der Rechtfertigung/wollen mit einflicken.

Nun ist hie die erste frage / Ob jemand also geleeret oder geschriben habet/Aber in irem Buch/ von den Interimischen hendeln/setzen die Professorn von Wittenberg/ V. eine schrift/darinnen wie sie denn deutsch geschriben/diese wort stehen. Wir streitten nicht vom wörtlin Sola/ Sondern sagen vnd bekennen / Es müssen in vns die andern Tugenden/vnd guter Vorsatz angefangen sein / vnd bleiben. Dennoch vber dieselben Tugenden/ mus das vertragen auff den Son Gottes sein/wie gesaget ist/vnd mus die andern tugenden alzeit vberschatten. Dieses haben sie auch nun Lateinisch gemacht/ auff das die Nachkomen es ja wol erfahren/vnd lernen mögen.

Vber das/so ist Jederman bewusst / das dieselbe zeit irer viel/des wörtlins sola Allein / beide in iren predigten/vnd lectionen geschwiegen vnd vergessen haben/ Ja es haben irer etliche iren spott vnd hon damit getrieben/vnd das wort sola / den fussolen an den schuhen verglichen / vnd gesaget was man vmb der alten zürisnen fussolen willen sich viel zanken wolle?

Die ander frage ist/ob den solches eine Verfelschung/ oder ein Antrit zurselben sey? Es wolle der Christliche Leser alhier die vmbstende bewegen. Als man hatte zu der zeit mit dem **ITTEL** zuthun / vnd mit den Papisten/ vnd mit denen/die beide durch mancherley practiken vnd verreterey / vnd mit gewalt dahin sich beerbeiten / das sie

D

vns

uns aus vnserem vorteil/ vnd vornembsten festungen her
aus schlügen/ vnd den grund vnser waren Religion anfaß
seten/ vnd umbstiffen. Es ist aber/ nach aller Gottsfürch
tigen meinung/ diese Proposition wir werden allein durch
den Glauben gerecht/ das fundament/ hertz/ vnd kern / der
Christlichen Leer/ vnd zwar das wort / Sola / Allein / hat/
wie auch die andern alle / seinen grundt in der heiligen
Schrift. Denn es gilt eben so viel als diese / Vmbsonst/
one Gesetz/ one die Werck des gesetzes/ one durch den Glau
ben/ vnd dergleichen. Vnd ist diese Form der leer in der
Christlichen Kirchen für Recht / angenommen / Wir wer
den alleine durch den Glauben gerecht/ darumb das sie der
Schrift meinunge klerlich ausdrücket/ vnd das auff dem
Wort der streit vnd heubtpunct des Artickels von der Ge
rechtfertigung bestehet/ vnd das man sie ganz klar / vnd
kressftiglich wider die Papisten als zur mawer setzen kan.
Man hat auch nun etliche viel jar anher in vnsern Kirch
en/ mit vleis/ der alten Kirchen lehrer Zeugnis vnd sprüche
zusamen gelesen/ darinnen sie das wort/ sola / Alleine/ durch
den glauben/ ausdrücklich gefüret haben / auff das man
desto gewaltiger die Papisten könte damit eintreiben.

Das man nun aber/ da es zum streit komen/ vnd man
mit den Papisten Ritterlich solte kempfen/ hat dürffen sa
gen man wolle nicht streiten vmb das wort/ Sola / Alleine/
das ist vorwas kein Mittel vnd frey ding. Denn lieber
freund/ warumb wiltu nicht vmb das wort / Sola / strei
ten? Ist es denn ein solch Wort/ das gar geringe/ vnd nichti
ge sachen begreiffet / Solte es nicht solche sachen fassen/
die es werd weren / darumb man auch sein Blut dorffte
vergiffen vnd sein leben zusetzen.

Ja sprechen sie was sol man vmb die vier buchsta
ben S/o/l/l/a/ viel zanken? Ey lieber freund / wer hat je
mals in vnsern Kirchen vmb die buchstaben des worts/
sola/ zu streitten gehabt/ vnd nicht viel mehr vmb die sache
en/so

en/so in dem Wort begriffen werden? Vnd weil sie von dem Wort nicht können abgesondert werden / so ist's ein schalk's stück / das man wolle das Wort wegwerffen / oder solle man das Wort / *Sola* / verwerffen / vnd ein wenig besetz in das Rauchloch stecken / vnd vertuschen / darumb das des Antichrists gliedmaßen diesem Wort feind waren / vnd es nicht konten leiden?

Es ist zwar Allen denen / so in den vngöttlichen vnd verterblichen hendeln / die man von wegen des Augspurgische Interims gepfleget / gewesen / nicht vnberuost / das das Wort / *Sola* / eine gute zeitlang im Artickel von der Rechtfertigung fast vergraben gewesen / vñ mit nader not durch etlicher geschrey wider auffgewecket worden sey. Wer dieses kan verleugnen / der widerfehlet die öffentliche Wahrheit / vnd gemeine erfahrung bösslich. Auch sol der Leser das behertzigen / das in der schrift wird gesaget / man streite nicht vmb das Wort / *Sola* / allein / darinnen bald auch diese wörter schallen vnd fahren / Der mensch sey vornemlich gerecht durch den Mittler.

Nun sagen sie / dis sey die meinung / man wolle nicht ein wörtergezencß vber dem Wort / *SOLA* / anrichten? Wir hören es ja wol / vnd wer weis das nicht / das an einem guten Deuter vnd ausleger / viel gelegen sey? Aber lieben Herren / berichtet vns doch eines / ist's den nurn ein *grammaticale bellum* / ein wörtergezencß vmb diese leer / wir werden Allein durch den Glauben gerecht / vber welcher wir / bey leben Doctoris Lutheri / seliger gedechtnis / gestritten haben mit einhelligem Geiße / vnd munde / vnd erhalten / das diese meinunge sey das hertze vnd leben der heiligen schrift / vnd ein liecht des offenbarten Geheimnis / vnd eine Grundfeste der ganzen Christlichen Religion. Man hat gesaget / vnd erwiesen / das alle drey wörter / *sola* / *fide* / *iustificamur* / wir werden allein durch den Glauben gerecht / der kern vnd inhalt / des Alten vnd Newen Testaments sey.

D ij

Also

Also könnte man auch sagen/man Richte kein wort gegen
an vber dem wort Glauben. Denn wer wolte vber dem
wort/oder sechs buchstaben G/l/a/u/b/e/ zanken? Des
gleichen könnte man auch von dem wort Gerechte werden/
sagen/Aber der streit geschicht vmb die sachen / daran sehr
viel gelegen ist/Vnd so die sachen/welche in dem wort/Sola,
allein verfasst werden/an inen selbst falsch sind//so haben
die papisten bereit gewonnen. So aber in dem wort / Sola/
Allein/gewisse vnd unwandelbare/vnd gros wichtige Din
ge stehen/so kan man den Papisten nicht zulassen / das sie
das wort Sola/Allein/wegreumen solten/sintemal es in der
Schrift seinen gewissen grund hat / vnd von den lerern
der Kirchen zu allen zeiten gebraucht ist. Derwegen so ist
das gewis/das es one gefahr vñ schaden nicht kan gesche
hen/wenn man den Papisten zugefallen das wort Sola/Al
leine / austhut aus der proposition/ Wir werden allein
durch den Glauben gerecht / vnd dagegen solche rede ge
braucht/wir sind vornemlich gerecht durch den Mittler/
vnd so fern disputiren vnd streitten wir vmb dieses stück.

So nun die professorn von Wittenberg dieser meinun
ge mit vns sein/warumb schilt man den vns für Lestere?
Vnd so izund widerumb in iren schriften/Lectiōnen/vnd
Predigten/diese proposition schallet / Wir werden allein
durch den Glauben gerecht/warumb Richten sie vns den
so vbel aus/vnd lestern vns/das wir sagen/man solle solch
es auch in den streitten wider die Papisten gethan haben/
vnd hinfürder thun?

Im Artikel von der Rechtfertigung haben wir dis
gestrafft vnd verdammet/neben vielen andern Gottsfürch
tigen mennern/für eine verfälschung/das man leeret/ Vnse
re Gerechtigkeit vor Gott/dadurch wir haben vergebung
der sünden/sey nicht alleine eine zurechnung des verdiensts/
vnd gehorsams Christi/Sondern auch zugleich die Ver
neworunge durch den heiligen Geist / vnd das diese beides
sein alleine einerley Gerechtigkeit. Nun

Nun frage man erstlich/ob jemand also geleret oder geschrieben habe? Aber es ist klar vnd offenbar/das diese meinung in der form der leer begriffen werde/wir sind vornemlich gerecht durch den Glaubē. Darnach so wird eben das/in den Commentarijs ad Rom.am 8.blatt/gesaget. Vñ wir beide haben mit vnseren augen gesehen/in der *formula pacificationis* derer von Mechelburg/ im Artikel von der Rechtfertigung/das einer von den Wittenbergischen professorn/mit seiner hand diese Correction drein geschrieben/das wir vor Gott gerecht sein durch die zugerechnete Gerechtigkeit/vñ durch die Lebendigmachung/welche sonstē der Werke gehorsams genennet wird. Vñ Maior verwirret auch diese beide stücke gar weidlich in seinem langen Comment durcheinander. Auch haben wir selbst von einem Osiandristē gehöret/der vns klar gesaget/das ein Wittenbergischer professor mit jm des eins worden/das die zugerechnete Gerechtigkeit vñ der Werke gehorsam einerley Gerechtigkeit sey/aber wir beruhen auff den geschriebenen vnd gedruckten zeugnissen.

Vors ander fraget man/ob denn solchs eine verfälschung der Reinen leere sey? Darauff sagen erstlich die Reministen so zu Wittenberg die lügenhafftige *Zyenan* wider *Illiricum* geschmiedet haben/das es eine verfälschung sey/dieweil sie solches vnbedachtsam vñ vnuerschemet/one einigen beweislichen schein/andern zumessen/do es doch jnen aus jren eigenen Schrifften ist vorgeworfen/vnd vberbracht/So ist auch das kund vnd offenbar/das in der heiligen Schrifft vnterschieden werde als *Causa* & *effectus*/des baums gute Art/von seinen Früchten/die zugerechnete Gerechtigkeit/welche stehet in der zueignung des verdiensts vnd gehorsams Christi durch den Glauben/von der vernewerunge des heiligen Geistes/vnd guten werken. *Ephes. 2.* werden helle vnd schöne sprüche/von beiden dingen/aber fein ordentlich vnd vnterschiedlich verfasst: Aus Gnaden seid jr selig worden/durch den Glauben/vnd

D iij

das selb

dasselbige nicht aus euch / Gottes gabe ist es / nicht aus den wercken / auff das sich nicht jemand Rühme. Denn wir sind sein werck / geschaffen in Christo Ihesu / zu guten wercken / zu welchem Gott vns zuvor bereitet hat / das wir darinnen wandeln sollen. Derhalben so sie selbest diese Leer / da man für gibt / das vnser Gerechtigkeit vor Gott zugleich sey / beide die zurechnung / vnd die Erneuerung / als eine verfelschung sonsten verdammen / warumb schelten sie vns denn / die wir dergleichen thun / für Lestere? Wollen sie denn vns gebieten / das wir eine solche verwirrung *Causarum & Effectuum* / der Gerechtigkeit / vnd der Verneuerung sollen loben / vnd für Heiligthumb ausruffen? Nein das lassen wir wol / oder haben wir in diesen gemeinen sachen der ganzen Kirchen / nicht so viel recht / was böse ist zu verwerffen / als sie?

Im Artickel von der definition des Euangeliij / haben wir für eine verfelschung der Reinen Leer verdammet / neben vielen andern Gottsfürchtigen Männern / das man / in die eigentliche beschreibung des Euangeliij / welche dem Gesetz entgegen gehalten soll werden / mit einflicket / als ein eigentlich ampt vnd werck desselben / das es sey eine Predigt der Bussse / das ist der Rewe.

Frage ob jemand also geschrieben vnd geleret habe?
Antwort. Es ist jederman bewust / das solche Beschreibung in vielen iren büchern befunden werde / das sie denn selbest nicht können verneinen / Nemlich also / Das das Euangelium sey eine Predigt von der Bussse vnd eine Verheißung der vergebung der sünden aus gnaden durch Christum / derhalben ist solchs vnleugbar.

Vors ander ist die frage / ob denn solches eine Verfelschung der Leer sey? Antwort. Diese vnser meinunge setzen wir deutlich / das das wort Euangelium / bisweilen generaliter gebraucht werde / vnd heiße das ganze Predig ampt / vnd das es als denn / zwey vnterschiedene theil habe /
die

die man im Predigamt handeln / vnd treiben mus / Als
nemlich / die Predig der Bussse / vnd die Verheischung der
gnaden. Aber es hat ein jedes teil seine sonderlichen quel/
oder instrument / Als zur Buspredigt gehöret das Geseze
Gottes / zur Verheischung der gnaden / gehören die sprüche
vom verdienst vnd gehorsam des Herren Christi.

Vors ander sagen wir auch / das das Euangelium
specialiter vnd eigentlich gebraucht werde vnd heisse (wie
denn das wort auch an jm selbst lautet) nur alleine die lieb
liche freudenreiche Predigt / die Vergebung der sünden aus
Gnaden vmb Ihesu Christi willen verkündiget / vnd von
dieser sonderlichen vnd eigentlichen bedeutung vnd meis
nung des worts Euangelion / darmit das Geseze abgesons
dert wird vom Euangelio / Sagen wir / das es nicht Recht
sey / so man wil im zueigenen die Bussse oder Rewepredigt /
man beschöne vnd bementele es wie man denn wolle oder
könne. Aus vrsachen / das es wider die natur vnd alle ver
nunfft ist / zweier vnterschiedenen dingen eigenschafften /
ineinander mengen / vnd jzt diesem / bald dem andern zuei
genen / Item / das solche verwirrung wider die heilige
Schrift ist / vnd das der vnterscheidt des Gesezes vnd
Euangelij warhafftig dadurch wird verfinstert / vnd auff
gereumet / vnd das solches ist ein Samentorn / daraus die
Gesezschenderey erwachsen / Das man aber dagegen auff
bringet / das hat keinen bestand. Denn es entweder zur ges
meinen bedeutung des worts Euangelion (da Synechdochia
cōs / ein teil vor das ganze Predigamt gebraucht wirt / wie
auch herwider das wort Geseze / offtmals für die Verheis
schung von vergebung der sünden aus gnaden gebraucht
wird) gehöret / vnd werden also etliche kindischer weise /
durch die *equiuocation* / aus vn̄ verstand des worts Euangeli
on verwirret / oder werden sonstē die sprüche der heiligen
Schrift / so sie führen wollen / nicht recht accommodirt / vnd
angezogen. Es brauchen auch etliche darzu sophistische

Stücklin als *fallatiam compositionis & diuisionis* / Das ist / das sie
ab vnd zuthun res gefallens / was jener meinung zu wis
der ist / vnd das sie das Gesetz durchs Euangelion er
kleret / mit dem vnerklertem Gesetz vermengen / vnd in eins
ander brawen. Aber diese sache wollen wir / ob Gott wil /
in einem sondern Buche weitlauffziger handeln / vnd wis
derlegen das jenige / was vngereimpter weise / vnd aus mut
willen dawider auffgebracht wird.

Jedoch können wir allhier nicht mit stillschweigen
vbergehen ein grobes stücke / der Adiaphoristen / das man
doch einmal mercke / wo es hinaus lauffe / wenn man eine
böse sache wil verfechten.

Denn vnlängest einer vnter dem titel vnd namen der
Studenten von Wittenberg (welche *Scriptorculos* wir pfle
gen *Reministen* das ist / die res eigenen namens nicht dür
ffen bekant sein / nennen / darumb das sie vnter einer fremb
den larnen sich verummnen / vnd was man nur ins maul
kompt / heraus speien / Vnd es wundert vns / das so viel
frommer vnd gelehrter Studenten / iren ehrlichen Namen /
lassen also öffentlich misbrauchen / vnd hat keiner kein
maul / dawider zu mucken / vnd zu protestiren) hat aus gros
ser hitz / vnd andacht / die *generalem definationem* des Euangelij
für eine sonderliche vnd eigentliche beschreibung sich vnter
standen zuuertedigen / vnd dürffen diese schendliche vnd
verdampfte *Antinomiam* / Gesetzeschenderey heraus giesen /
man solle das Gesetze von der heilsamen Buse oder beke
runge ganz vnd gar ausschliessen / vrsache sey diese / Denn
das Euangelion das lere beide die heilsame Buse vnd die
Vergebung der sünden. Ehem / lasset diese Paratschleger
vnd Vorfechter in die Kirche Gottes komen / was gilt es ob
sie iren *praeceptorn* nicht werde grosse ehre einlegen? Ja
das noch tölpischer vnd vnbehawener ist / sie sagen / das
Gesetze gehöre nur Judam / Cain / Saul / vnd res gleichen
an / Ey lieber / warumb schlug der Hencker seinen Knecht?
Darumb

Darumb das er keine behelff rede wuste. Was? Dienet nun das Geseze nicht zu dem einem teil der heilsamen Bussse vñ bekerunge zu Gott? Sol man dem David/der heilsam bekeret wird/nicht durch das Gesez zur Erkenntnis der sünden führen? Da wir zu Wittenberg Studenten waren lerete man vns also/wie wir denn auch noch heutiges tages aus Gottes wort andere die vns befohlen/ferner leeren/das die Rewe sey das erste teil von der heilsamen Bekerung zu Gott/darauff das Gesez nicht allein den Cain/vnd andere verzeuueler/Sondern auch die so heilsam bekeret werden/führe vnd leite. Vnd das ander teil sey der Glaube/welcher die stim/des Euangelij die da weiset auff das verdienst / vnd den gehorsam/Ihesu Christi/fasset / vnd drauff beruhet. Vnd das vornemlich dieses teil der bekerunge/nemlich der glaube an Christum/den vnterscheid mache zwischen Iude des verreters / vnd Petri Bussse. Denn wir alhier nicht von den Phariseern/vnd Heiden reden.

Derwegen verdammen wir öffentlich / Kund / vnd klar/dieselbe Antinomiam vnd Gesezschenderey / welche sie am benantem orte öffentlich haben lassen ausgehen/ Das das Geseze nicht nütze sey zur heilsamen Bekerunge/ so viel das erste teil nemlich die Rewe anlanget. Denn also wird das wort Bussse in der definition des Euangelij gebraucht vor die Rewe: Item das man das Gesez weg thun / vnd allein aus dem Euangelio die Rewe vnd den glauben lernen solle.

Vnd weil die Discipeln vnd Schüler solche Ketzerische schrifften lassen ausgehen/so vrteile ein jeder ehrlicher Man/ob nicht die schuld mit auff ire Regenten falle. Denn so die studenten von Wittenberg also glauben vnd schreiben/vnd irer Præceptorum keiner etwas dawider sagget/lieber wer wil nicht die Professoren selbst in verdacht haben/das sie auch der meinunge seien/vnd das ire schüler solchs von jnen haben müssen? Derwegen sind sie vor Gott

E vnd

vnd seiner heiligen Kirchen schuldig/das sie iren Studenten öffentlich eine gute Correction abstreichen / vnd sie eines bessern vnterweisen / so sie nicht für Irthumbmeister / vnd Patronen solcher Antinomey vnd Gesetzschenderey wollen gehalten sein.

Die Sophisterey aber vnd verkrete folge / so dieselben Reministen machen / ist diese. Es sind etliche die erinnern / das etliche stücke in der beschreibung des Euangelij zu weitleufftig vnd gefehrlich gesetzet sein sollen.

Derhalben so zurüthen vnd reißen dieselben vmb / vnd treten mit füßsen die ganze leer / oder die Locos Communis. Ist das nicht ein tieffköpffisch vnd geschwindes Blerment / damit man sich vnterstehet vnschuldige Leute zu verleumunden. Ob es aber inen ehrlich vnd Rhümlich ist / das sie sich mit solcher losen frutzen / vnd faulen stinckendā Argumenten wollen behelffen / lassen wir jedermenniglich erkennen vnd vrteilen. Die schützen in den schulen / so noch nicht deponirt sind / können solche Argumenta straffen / vnd widerlegen. Sie werden auch von iren Schulmeistern vnd Rectoren dahin gehalten / das sie solche Sophisterey / vnd Spitzbuberey in ernsthaftigen sachen tadeln vnd verfluchen. So solchs aber von grossen Professorn vñ Studenten nicht geschicht / müssen wirs Gott befelen / vnd ir ehr sein lassen.

Darumb so ist vnwiderleglich war / das man nicht aus freuel / vnd mutwil dieses / was die Definitio des Euangelij belanget erinnert / Sondern aus wichtigen vrsachen / auff das man nicht wissentlich / oder vnwissentlich den Antinomischen verfelschungen thür vnd thor auff sperre vnd mit vollen gewalt einreißen lasse.

Im Artickel von der Kirchen haben wir als eine verfelschunge neben vielen andern Gottsfürchtigen mennen gestraffet / vnd verdammet. Das man dem Papst zu Rom den Primat vnd oberste hoheit vber alle Kirchen auff erden

den zugelassen / ob man gleich dran gehentget / so er sich würde reformiren.

Das sie aber also geschrieben vnd gehalten haben / das bekennen sie nun selbst in irem buch von den Interimischen hendeln / Denn U. am 3. wird also geschrieben. Von der Kirchen / vnd von des Papsts primat wil ich nichts disputiren / vnd zwar / Ich habe auch für dieser zeit (nota denn er redet von hertzen) von denselben nicht viel schreiben / noch sagen wollen. Ich lasse den Bischoffen iren weltlichen stand. So der Papst die Reine leer füret (das wird auff Sanct nimmerstag geschehen 2. Thes. 2.) vnd ausbreitet / so ist man im Gehorsam schuldig. So er nicht die rechte warhaffte leer füret / so ist aller gehorsam gegen im gefallen. Item S. am 4. Derhalben es sey der Papst / oder die Bischoffe / wenn sie die heilsame Leer / vnd ware Gottesdienste nicht verfolgen / so wünschen wir jenen / das sie ire Autoritet vnd stand behalten / vnd desselben zur erhaltung Christlicher Leer / vnd Lusserlicher disciplin / vnd erbarkeit gebrauchen. Item T. am 2. wir verheischen / das wir wollen der Bischoffen hoheit vnd würde in Ehren halten / vnd ihnen als Bischoffen gehorsam leisten / so sie vns werden vnuerfolget lassen. Nota merck mir diese / sie sagen nicht / wenn die Bischoffe nach der schrift / aus Wolffen / Hirten werden worden sein / vnd dasselbe wird T. t. am 1. widerholet.

Nun ist das streittig ob solche meinunge Recht oder vnrecht sey? Darauff sagen wir / Das es wider Gottes wort sey / das man mehr algemeine Heubter der Rechten waren Kirchen machet vnd zulest / denn eines dauon geschrieben stehet / Er hat in gesezet zum Heubt der gemeinen vber alles / welche da ist sein leib / vnd die fülle / des der alles infallen erfüllet. Eph. 1. Vors ander so beschreibet die heilige schrift die falsche Kirche / vnd zwar den Antichrist selbst mit diesem schandmal / das er werde im eine solche gewalt /

walt/vnd herschafft anmassen wider alle Recht / vnd billigkeit/2. Thes. 2. Apocalip. 17. Vnd Ihesus Christus spricht mit hellen klaren Worten Luce. 22. Die weltlichen Könige herschen/vnd die gewaltigen heisset man Gnedige Herren/ir aber nicht also. Alhier vnterscheidet der Herr die gewalt des Euangelischen predigampts/vnd der weltlichen Oberkeit/vnd verwirffet/vnd verbeut gantzlich das man keine form einer weltlichen Monarchey in der Kirchen sol anrichten. Also haben auch die Apostel weder geordnet / noch gehalten einen einigen primat eines einzelnen Bischoffes. In dem Concilio zu Nicena hat man der Kirchen zu Hierusalem eine *Prærogatiuam* vnd vorzug für andern vmbleginden Kirchen vergünnet. Aber man hat keinen allgemeinen/primat/vnd aller oberste hoheit vber alle Kirchen in der gantzen welt/weder in der stad Rom/ noch irgend einer andern/verordnet oder nachgegeben. Ja es ist allererst der primat zur zeit des morders Phocas wider alle Recht/vnd billigkeit bestettiget worden / da denn alsbald auch mit das Türckisch Reich angegangen ist / auff das mit der weise der verfluchte Antichrist damit die Stadt Rom / nach der weiffagung apocalip. 17. nun lange zeit schwanger gegangen / geboren würde / vnd sein weltlich Reich einneme. Vber das so bezeuget die Historia von vielen jaren/das dieselbe verkerunge des Reichs Christi/ in eine weltliche Monarchey / der rechten Religion/vnd weltlichem Regiment grossen mercklichen schaden gethan habe/vnd das also der spruch des Teufels Matth. 4. So du wirst niderfallen/vnd mich anbeten/ so wil ich dir geben die Reich der welt/sich sein Reime auff das Papstumb. Denn durch des Papsts regierung/vnd nachomende Herschafft/ist Abgötterey in der gantzen welt gestiftet / vnd vberheuffet / vnd sind durch dieselbe Aberglaubische vnd vngöttliche gewalt/grosse/seltzame/wunderliche Raubereyen vñ plündereien geschehen/das der Antichrist Schloß
fer

ser/Dörffer/ Stedte / Fürstenthum / ganze Königreiche/
Rom/vnd zwar/wie sie in der verlogenen schrift / von der
donation Constantini rhümē/die ganze Welt zu sich geris
sen/vnd im zu eigen gemacht hat. Aus diesem quel sind dar
nach geflossen allerley/vnd mehr den Sibaritische vnd So
domitische bubereien. Vnd lezlich so ist klar in der heiligen
Schrift geweissaget/das/wenn nun der Antichrist/durch
den mund des Geistes Gottes/ das ist / durch die Predige
Göttliches worts wird offenbaret sein / er dennoch nicht
alsbald werde vergehen vnd auffhören / sondern bleiben
bis zur zukunfft des Herren Ihesu Christi/ der in werde
stürzen in den fewrigen pfuel/vnd also mit seiner Tyrans
ney ein ende machen.

Nun ist Gottlob/dieselbe offenbarung zu dieser vnser
zeit/durch den man Gottes Doctor Martin Luther also
klar/hell/vnd herlich/als jemals in der welt geschehen das
ein jeder/wie man einen Lawen an seinen klawen / also den
Antichrist an seinen schandmalen erkennen / greiffen vnd
fülen kan / Derwegen wenn man nun dem offenbartem/
vnd erklertem Antichrist / dem menschen der sünden / vnd
dem kinde des verderbens/der Bestien/vnd Babilonischen
huren/dem drachen vñ dem Teufel selbst/freiwilling aus
gutem bedachten mit die oberste gewalt vnd primat ober
die Kirchen darbeut/ vnd ob man gleich mit anhanget/er
solle sich reformiren / so ist doch solchs nichts anders /
den sich wider Gottes ausgedruckten Beschlus/ vnd pro
pheceien aufflehnen/vnd beide Gott vñ die menschen ver
spotten/ja des Antichrists offenbarung verscharren/ vnd
im den zaum vnd zügel zu seinem Reich vbergeben/ vñ das
helffen befestigen.

Ist der Papsst vnd die seinen / mit seinem ganzen
Stand vnd wesen/da er vber die Kirche Gottes vnd welt
liche Oberkeit erhöhet ist / vnd Weltlich vnd Geistlich
Schwert füret/der natürlich leibhafftige Antichrist / wie

er den warhafftig ist/sintemal er alle schandmal so im der
heilige Geist durch Danielen / Ihesum Christum selbst/
Petrum/Paulum/vnd Joannem angemahlet hat / augens
scheinlich/vnd greifflich an im treget/ So solten Professo
res vnd Lerer viel mehr schreien Gehet aus/flihet/meidet/
seheth euch für/den das man in noch solte also gelinde kraw
en / vnd in fein sauberlich streichen / als das schurrende
Keglin/ Ja man solte Donnern vnd Blixen wider in / vnd
in verfluchen/ Das von ganzem hertzen zu Gott ruffen/das
er diesen seinen / vnd der armen menschen ergesten feind/
vnd des leidigen Teufels werckzeug/vnd gestiffte/ja balde
wolle tilgen. Denn also hat vns Ihesus Christus heissen
beten/ Dein name werde heilig/ vnd widerumb / des Antis
christis namen/leer/stand vnd wesen/vnd alle seine Teuffa
lische wercke/werden zu schande/vnd zu nichte.

Es ist eine eiskalte ja eine Gottlose spiritisation vnd be
dencken/es müsse ja einer in der Christlichen Kirchen sein/
der da ein ansehen/vnd gewalt habe für den andern allen/
welcher könne die Ketzereien/so entstehen/vn im schwang
gehen/ inhalten / vnd eintreiben / Concilia ausschreiben/
vnd versamlen/vnd den practiken der Weltlichen Regent
ten/die zum offtermal mit ungewaschenen henden / in die
Kirchen/vnd geistliche sachen einen eingriff thun / wider
stehen. Antwort / wiltu einen solchen haben / so bemühe
dich nicht lenger drum/denn es ist bereit ein solcher / ver
handen. Wer denn? Ihesus Christus der ist ein solcher/
welcher alleine mit seiner Gewalt vnd Ansehen genugsam
ist. Der Papst ist es nicht / vnd kan auch nicht in ewigkeit
ein solcher sein / vnd es beweiset die erfahrung das solche
philosophische vnd wolhöffliche gedanken von dem Pri
mat vergebens sind. Denn es sind eben vnter dem Papst/
vnd Antichriststhum ungeschwundene grosse grewliche
Ketzereien auffkommen / vnd im schwang gegangen. Vnd
das wirs kurz sagen/so ist das die meinunge/das dieselben
Meister

Meisterklüglinge alleine auff vnrechts nachomen / des weltlichen Regiments versetzet / vnd damit bethöret vnd begauckelt sein / vnd für iren tausentsinnen nicht sehen noch verneinen können / das sie es inen vergebens lassen sauer werden / das bawfellige Reich des Antichrists zustüzel / vnd zustemmen. Ja sie sind selbst in der sachen mit inen vneins / vnd schwermen wider ir voriges fürgeben. Denn Aa. am 4. schreiben sie also. Man darff sich auch vmb der Bischoffen gewalt nicht hart bekümmern / noch vmb die Ceremonien / Denn die Bischoffe werden allewege feinde vnserer Kirchen sein / Es were denn / das wir das ganze Augspurgische Interim von der Mess / vnd Anrufung der verstorbenen / vnd vmbtragung des Sacraments etc. annehmen. Vnd vnserer berathschlagung gibet inen nichts / so sie diese misbreuche vertedigen / dis sind ire wort. Ey lieben herren / Ist dem also / warumb künzlet man denn also mit inen / ehe sie sich zuuorn bekert haben? Warumb hat man on alle bedingung in den vorigen hendeln vnd stücken inen ire Autoritet / Hoheit vnd gewalt zugelassen / so fern sie nur vns nicht mit gewaltsamer hand würden angreifen / ja warumb heissen sie den Ausschus von der Landschafft / alles gutten von den Bischoffen hößen? War es nicht darumb zuthun / das sie die leute gerne wolten bereden iren Decreten / vnd beschlus anzunehmen?

Aber darauff malen sie einē solchē senff / Lutherus habe dergleichē auch verheischē / das er wolle des Papsts hoheit vnd primat dulden / vnd in die füsse küssen / vnd weis nicht was mehr thun / wenn er nur die Reine Leer / vnd den rechten Gottesdienst zuließe. Darauff geben wir dis zur antwort. Es kan wol sein / das Lutherus solches im anfan ge des Euangelij / da er noch nicht genugsam den antichrist erkant / aus menschlicher schwachheit / wie in vielen andern dingen erstlich geschehen / gered haben. Oder es mag auch wol sein / das er solches hernacher da er den Antichrist

recht erkant/der gestalt gered habe/das er damit die Römische bestia verierete/vnd spottete/ oder damit weissagete/das es würde vnmöglich sein/das sich der Bapst reformirte/vnd die Reine leer / vnd rechte Gottesdienste annehme/ vñ beförderte. Denn wie sawer es im Lutherus hat lassen werden an der offenbarung des Antichrists/vnd was er von desselben fal/vnd vntergang gehalten/ist der gantzen welt nur sehr wol bewusst/Vñ es mögen die Gottsfürchtigen sein Buch dauon lesen des Tittel ist / Das das Bapstumb vom Teufel gestiftet sey. Daraus werden sie vormittelst Göttlicher hülff/den Antichrist zimlich lernē kennen. Weil denn solches alles / aus Gottes sonderlicher Gnad am tage ist/so solte man viel mehr öffentlich vnd vnuerholen die Wahrheit sagen / vnd dieselbe nicht vertuschen vnd das am allermeisten zur zeit der Bekentnis. Derhalben so bestehet das öffentlich/das es eine verfelschung vnd verdunkelung vnserer Reinen Leer / vnd Religion sey/das man dem Römischen Bapst einen primat / vnd oberste gewalt ober die ware Kirche Gottes einreume / vnd zulasse/es geschehe solches auff was weise vnd conditionen es wolle. Denn es ist solches/wo nicht mehr/doch eine anzeigung/das des Bapsts stand vnd wesen/ nicht so gar böse sey/vnd das man in nicht eigentlich für den leidigen Antichrist vom Teufel gestiftet halte. Es erfodern auch diese letzten gefehrliche zeiten / da allerley sünde vnd schande/ oberhant nemen/das dis stücke vom Antichrist / mit ernst getrieben werde/denn man sibet/ wie kleine vnd grosse Herzen mit der Babylonischen huren ire Bulerey treiben / vnd aus irem Becher trincken.

Im Artickel von den Ceremonien oder Mitteldingen haben wir neben vielen andern Gottsfürchtigen Menschen / gestrafft vnd verdampft für eine verfelschung der Rechten leer / Das man zur zeit der Verfolgung/vnd des Bekentnis/(da die feinde des Euangelij nicht ein geringes
Man

Manckörlein fodern / sondern bringen mit gewalt drauff /
das man von der Reinen Leer / vnd erkanten Warheit sol
abtretten / vnd sich widerumb zur falschen Lere begeben /
vnd das nach einer gewissen Gottlosen vorgeschriebenen
form / weicher vnd enderunge vornimpt / auch in solchen
dingen / die sonsten aussserhalb solcher vmbstende / an inen
selbest frey / vnd Mitteldinge sein / vnd thut das dem Antia
christ zugefallen sich mit im zuuergleichen / vnd seiner lar
uen ehnlich zumachen / wie denn solchs zur zeit des Inter
ims geschehen / vnd andern nach zuthun gerathen ist.

Dieses wollen wir auch auff die zwo fragen stellen /
ob solchs etwan geschehen sey / vnd ob man daran recht ge
than habe?

Das aber ein weichen / nachgeben / vnd annemen der
Mitteldinge / vnd zwar nicht alleine güter / sondern auch
böser vermeinter Mitteldinge zur zeit / da das Interim
durch Deudschland daher gieng / vnd wie ein brüllender
Lawe jederman schreckete / geschehen sey / der falschen Kir
chen / dauon wir vns aus hochwichtigen vrsachen als vom
Antichrist gesondert / zugefallen / das ist klar vnd augens
scheinlich aus dem ganzen langen Keument / der Profes
sorn von Wittenberg von den Interimadiaphoristischen
hendeln. Denn Dd. am 3. sagen sie selbest ausdrücklich / der
streit sey nicht *de fact.* / ob man etwas gewichen / vnd ange
nomen habe / Denn man habe zu derselben zeit Mitteldin
ge angenomē / vñ die Theologen haben sich nicht gewegert
in Mitteldingen am frembden Joch zu ziehen / vnd also ei
ne Dienstbarkeit (verstehe dem Antichrist vnd seiner fal
schen Kirchen) zuleisten. Vnd das nicht jemand vormeine /
es sey jr Ernst nicht / so widerholen sie solches vnzelich
mal. Wer wolte inen nun nicht glauben geben? Wenn et
wan ein ander solchs von inen sagete / so möchte es frey ste
hen / das man es gleubete / oder liesse es / Weil sie aber nun
mit grossen ernst auch drüber kempfen / das man es ja sol
S wissen /

wissen / vnd glauben / wolan so wil sichs nicht gebüren /
Das jemand an diesem punct / ob die Professorn Adiapho-
risiert haben / zweifelen oder auff fernern bericht warten
wolle.

Das aber der Streit auff der andern fragen stehe. Ob
es Recht gethan sey / Das bekennen sie auch. Vnd das wir
nicht viel umbschweiffss machen / so wollen wir zur sachen
greiffen / vnd sie ins mittel stellen / das man sie sehen / einne-
men / vnd Richten vnd vrteilen könne. Der inhalt vnd
grund des gantzen handels / wie sie in selbst beschöner wol-
len ist dieser.

Wer in Mittel oder vnnötigen dingen also weicht /
das er gleichwol die nötigste / vnd wesentliche Stücke vnd
Artickel der waren Religion behalte / der thut nicht vbel /
sondern recht vnd wol daran / vnd ist nicht scheltens / son-
dern lobens werd.

Die Falschadiaphoristen sind gewichen / haben
nachgegeben / vnd angenommen Mitteldinge / oder solche
stücke / die nicht nötig sind / vnd habē gleichwol nicht desto
weniger behalten die nötigen vnd wesentliche Stücke vnd
Artickeln der waren Religion.

Darumb so haben sie nicht vnrecht gethan / vnd ges-
chicht in vngütlich / das man sie darumb straffet / vnd
grosse Tod sünden daraus machen wil. Das hörestu wol /
Klaus.

Ly lieber sachte mit der Braut ins dorff. Höre doch ein
wenig / vnd las doch die schöne Dirne / zuuor ein wenig bes-
schawen.

Der Maior oder die erste Proposition in diesem zur-
brochenem vnd Rigellosem Schlosse hat einen mangel /
vnd bedarff beweissens / vnd erklerens / darnach wird man
leicht sehen können / wie sich der Minor / oder die ander
Proposition so gerade / wie ein faust auff ein auge drauff
reimet.

Vnd

Vnd mit gunst das wir mögen für jnen der gemeinen
Regel der Dialectiken gebrauchen/sagen wir / Maior non est
plene uniuersalis der Maior ist zu dürr vnd zu schmael/vnd en-
ge/denn er solte dicker/grösser vnd weiter sein / vnd haben
sufficientem enumerationem conditionum, das ist / eine volle genuga-
same erzehlung aller bedingungen/vnd an felle die in der heil-
ligen Schrift ausgedruckt/vnd an den gebrauch der Cer-
emonien/vnd Mittelding angeflochten werden. Vnd das
ist die ursache / darumb dieses Argument vnd schlusrede
keinen riegel hat/vnd nicht zuschleust/ sondern lesset thor/
vnd thüren offen stehen/das die Falschadiophoristen vbel
verwaret sind. Vnd zwar vns als einfeltige leute wundert
nicht wenig / das solche grosse hochgelarte Leute / in so
wichtiger sachen/nicht scherffere vnd tieffere schlusreden
können fürbringen/denn diese/die so öffentlich faul vnd lo-
se sind/das auch die Knaben in den schulen / so noch nicht
des depositors initiation haben/es können mercken/ vrteilen/
vnd anzeigen/sonderlich wenn man das Oratorische vnd
Rhetorische mundwerck/wie denn in Argumenten gesche-
hen mus/herab gezogen hat.

Wenn man aber dem Maiori oder ersten Propositio-
on/diese folgende zubehörige stücke/vnd Conditionen zu-
setzet/so wird er volständig/vnd warharfftig / wie folget.

Wer in pur Mitteldingen weicht nachgibt/vnd an-
nimpt / vnd gleichwol behaltet die nötigen / vnd wesent-
liche heuptstückken der leer/vnd solchs thut one zwang/one
meinunge eines Gottesdienstes/nicht den feinden zugefal-
len/one Ergernis / vnd keinen bösen schein damit gibet/
entweder die verfolger zu stercken/oder die armen Christen
zu ergern vnd betrüben/derselbe sündiget nicht. Denn wir
glauben das diese Regel welche die Professorn vns selbst
aus Gottes wort/zunorn auch geleret haben / gewis vnd
war sey. Alle Mitteldinge / beide kleine vnd grosse/hören
auff Mitteldinge zu sein/im fall/da man eine not vnd ge-

zwang / oder einen Gottesdienst draus machet / vnd da
das Bekenntnis drauff stehet / da Ergernis darmit began
gen wird / da man einen bösen schein eines abfals von der
Rechten Kirchen / oder einer collusion / verretterey vnd ges
selschafft mit den verfolgern von sich gibet / vnd die Gotts
losen Verfolger dadurch in irer Verstockung / vnd falschen
meinungen stercket / vnd den Geist Gottes in den Christen
betrübet / vnd dem namen Gottes eine schande vnd vnehr
mit einleget / vnd die ganze Religion / vnd viel Kirchen da
durch verwüestet / vnd beschediget.

Diese Regel haben wir alle semplich in vnseren Kir
chen vor der zeit des Interims / für gewis war vnd Recht
gehalten / vnd ist zuerbarmen das die Professorn (denn sie
nennen sich also in irem buch) die sich Rhümen wollen /
das sie bey dem *Corpore doctrinae* / allewege steiff vnd feste ge
blieben sind / vnd noch bleiben / diese unwandelbare Regel
aus Gottes wort genommen / vntergraben / vnd in einen hau
ffen stossen / mit grossen schaden der armen betrübeten
Kirchen Christi. Wir wollen aber diese Regel zubefestig
en / kurze erinnerunge darvon thun.

Im fal eines Notzwanges / da die Feinde mit gewalt
darauff dringen / da ist nicht recht / das man kleine oder
Grosse Aidiaphora oder Mitteldinge dergestalt anneme /
als sündigte vnd thete der vnrecht wider Gott vnd mens
chen / der sie vnterliesse. Denn Gott alleine die Gewissen
bindet / vñ ist ein klarer spruch / Lasset euch von niemande /
es sey eine Kirchen oder weltliche Person / Gewissen mach
en an speise / vnd tranck / vnd fasteltagen. Vnd alhier reden
wir eigentlich von der not / gewalt / vnd zwang / welchen die
feinde / vnd verfolger von der falschen Kirchen entweder
one mittel durch sich selbst / oder durch andere Diener / die
gleich wollen gliedmassen der waren Kirchen sein / vben
vnd treiben. Denn so jemand aus geheis eines vngleubigen
Herrens / oder verfolgers / die Mittelding mit einem Not
zwange

zwange gebent / vnd drauff bringet / der thut solchs nicht
für sich alleine / Sondern aus Befehl des / der es in geheis-
sen hat. Vnd zwar das der gezwang da er an Mitteldinge
gehenget wird / die Mitteldinge verendere in Notwendige /
hoffen wir / geben auch vnserer widersacher nach.

Im fall eines Gottesdienstes / da verleuret auch eine
jede von den allergeringsten Ceremonien / vnd Mitteldin-
gen seine natur vnd art / vnd ist als denn nicht frey das
man sie anneme / nach dem Spruch / Flichet Abgötterey.
Nun ist aber eine jede Ceremonien / da man einen Got-
tesdienst draus machet eigentlich eine Abgötterey. Item /
Du solt den Namen deines Gottes nicht vnnütze führen.
Item / Du solt nicht thun was dir gefellet / vnd dich gutts
dücket / Sondern das / was ich dir gebiete / das soltu thun.

Im fall des Bekentnis ist's vnrecht / das man auch
mit der allergeringsten Ceremonien / Mittelding vnd ge-
berden sich lasse vermercken / als wolle man zu den feinden
zulucken / vrsach ist diese / denn man mus wider die feinde /
verstoekte / vnd verfolger / der Christlichen Freiheit ge-
brauchen / nach den sprüchen Gala. 2. Denn da etliche fals-
sche Brüder / sich mit eingedrungen / vñ neben eingeschlich-
en weren / zu verkundschaften vnser Freyheit / die wir haben
in Christo Ihesu / das sie vns gefangen nemen / wichen
wir denselben nicht eine stunde / vnterthan zu sein / auff das
die Wahrheit des Euangelij bey euch bestünde. Vnd Gala.
6. Die sich wollen angenehm machen nach dem fleisch / die
zwingen euch zubeschneiden / allein das sie nicht mit dem
Creutz Christi verfolget werden.

Im fall da man mit den Feinden einen Karm hat /
vnd inen wil zugefallen sein / ist's vnrecht / das man auch in
der aller geringsten Ceremonien inen weicher / vnd nach-
gibt / oder zugefallen annimpt. Vrsach ist diese / denn die
feinde vnd verfolger fodern nicht alleine das man inen
weichen / nachgeben / vnd zugefallen annemen sol wenig

S iij

vnd

vnd geringe Mittelbdinge/ Sondern es ist jnen zuthun vmb die gantze Religion vnd die heubtpuncten derselben / in denen wollen sie jnen gewichen haben. Vnd ist der Spruch klar/ ziehet nicht im joch mit den vngleubigē. Nun nennen die Professorn/ vñ definiren oder beschreiben selbest ire A-
diaphoristerey/ vnd das weichen/nachgeben/vnd annemē/
das es sey eine *seruitus*/ dienstbarkeit/ das ist/ ein joch/ welches es die Verfolger vnd vngleubige jnen haben vber die hörner gezogen / vnd darin sie freywillig gezogen/ dem Antichrist seine Kirche zu bawen/ vnd dem H. Erren Christo seine Gemeine zu verheren.

Im fall des Ergernis/ verleuret auch eine jede Ceremonia vnd Mittelding seine natur/ vnd wird ein notwendiges draus / das man mus meiden/ vnd man mus als denn der Christlichen freyheit strack gebrauchen vnd nicht weichē/ nach dem spruch/ Wer ergert einen von den kleinen geringen/ die an mich glauben (sonderlich in öffentlichen hendeln der Religion / da es nicht vmb pickelkoten oder muschalen zuthun ist) dem were besser das jm ein mühlstein an den hals gehenget/ vñ ehr in die tiffe des meers versenck et würde. Vnd Ro. 14. So dein Bruder durch dein Essen betrübet wird/ so wandelstu nicht nach der Liebe.

Nun bringet one zweifel das den armen Christen ein gros Ergernis/ das man die form der falschen Kirchen (zu der zeit/ da die verfolger stracks vnd ernsthaftig nicht alleine einen Chorrock vnd andere nichtscherzige dinge fordern/ sondern dringen drauff/ das man ire ganze Religion/ wie sie die fürs schlagen/ annemen/ solle/ des vnd kein anders/ wollen sich auch nicht an geringen dingen ersetzten lassen) als des Antichrists laruen annimpt / die man doch zuorn hatte abgethan/ vnd also die vnnützen gebreuche die vnabsonderlich mit sich aberglauben einfüren / vnd stercken/ widerümb gleich als aus einem stinckenden misthauffen/ vnd austerichte/ wider zusammen schrappelt / vnd
in die

In die Kirche/ Reuchwerck für die Heiligen draus zumach
en/einfüre/vnd vnhher trage.

Im fall eines böses scheins/verwandelt auch ein jedes
Mittelding vñ geringste Ceremonia seine Mitteldingische
art/vnd wird ein nötig ding draus/das den gebrauch der
Christlichen Freyheit vnd das Bekenntnis erfordert/nach
dem Spruch.1. Thes.5. Hüttet euch für allem bösen schein/
Rom.14. Das Richtet viel mehr/das niemand seinen brus
der einen anstoss/oder ergermis darstelle.

Der meinunge verbeut der Prophet / das man nicht
auff beiden seiten hincken solle / vnd Joannes zeigt an/
das Christus an denen keinen gefallen habe / die sich be-
fleissen weder kalt noch warm zu sein/apo.5. Nun ist aber
das ein vberaus böser schein / nach aller fromen vrtail/
Wenn man zur zeit der verfolgung auch in der geringsten
Ceremonia / vnd Mittelding den verfolgern zugefallen
thut / Denn die verfolger komen dadurch zur hoffnung/
das sie wollen immer allgemach/die jenigen so immer für
vnd für weichen/vnd nachgeben/ an sich bringen / derwe-
gen sie denn auch ire mandata/ drawungen/vnd Tyrans-
ney / vnd straffen / immer mehr vnd mehr scherffen/ die
wanckenden damit zu vberteuben. Vnd werden sie also in
irer falschen Religion gestreckt / als die nicht so gar vn-
recht vnd verwerfflich sey/sintemal das Gegenteil inen zu-
falle. Vnd das solches also sich zutrage hat die Erfarunge
nicht alleine andern gebracht / sondern auch zu vnser zeit
solches dermassen ausgeweiset/das der so es wolte verneis-
nen / müste gar unsinnig sein.

Zieher gehören auch diese stücke / als das die Heilige
Schrift vnd Gottes wort/klar vnd öffentlich gebent vnd
schreiet/Gehet aus von irem Mittel/vnd sondert euch abe/
spricht der Herr/vnd rüret kein vnreines an/ 2. Corinth. 6.
Item Gehet aus von jr mein volck/das jr nicht teilhafftig
S iij werdet

werdet ihrer sünden/auff das jr nicht etwas entpfahet von
ihrer plagen Apo. 18.

Nun ist aber das ganze Papstumb/ mit seiner Reli-
gion / stand vnd wesen / des Antichrists Reich / wie denn
solchs augenscheinlich aus der offenbarung / welche zu
diesen letzten zeiten Der heilige Geist / durch sein werckzeug
gen Doctor Martinum Lutherum gethan hat / nach allen
schandmalen die Gott in der heiligen Schrift dem Antis-
christ hat angemalet / dabey man in solle kennen.

Darumb so ist es wider Gottes stimme vnd befehl/
das man auch mit annehmung der aller geringsten Cere-
monia vnd Mittelding / dem Antichrist neher rücke / vnd
zu im eingehe / vnd zuvoraus zur zeit der verfolgung / da
man solte sein Bekenntnis vnd Beständigkeit lassen leuch-
ten / vnd scheinen. Es mögen andere schreien vnd ausruf-
fen / man könne wol zur Papistischen Kirchen in Cere-
monien / vnd Mitteldingen sich gefallen vnd gleichförmig
machen / Item / Je neher dem Papst vnd seiner Kirchen in
Ceremonien / je besser / wie man denn diese Axiomata / vnd
heubtspruch in den Falschadiaphoristischen hendeln als
lenthallen schallen hörte. Aber Gott der Herr der schreiet
dagegen / Gehet aus / gehet aus / gehet aus / nemet kein mal-
zeichen an / gebet keinen bösen schein / hütet euch für des An-
tichrists larna / ziehet nicht im joch mit den vngleubigen.

Item wil man dieser sachen Exempel haben / so darff
man nicht vngereimet von Petri ins wasser springen / pler-
ment machen / sondern man sehe auff die Adiaphoristerey
Petri / Gala. 2. Da er einen bösen schein von sich gibet / in
dem er sich den Jüden / welche noch nicht mit öffentlicher
Gewalt in verfolgten / zugefallen stellet als lobete er vnter
den Heiden Jüdisch / wie Paulus in drum anferet / vnd
straffet vmb seiner Zeucheleiy vnd stellung willen. Eleaza-
rus wolte nicht sich nur stellen / als esse er schweinö fleisch /
vnd damit sein leben erretten. Man lobet den Marcum
Arethusum

Arthusium billich/welcher gesaget/Es sey eine grosse sünde/
de/das man auch nur einen heller zur falschen Religion
gebe/ da man von jm foderte er solte etwas dazu geben/
das die Götzekirche/so er hatte eingerissen/widergebarret
würde/ oder solte sich tödten lassen. Aber wenn man des
Antichrists Ceremonien annimpt thut man viel mehr/
denn das man einen heller dem Gottlosen wesen / vnd fal-
schen Kirchen zur beförderunge gibet/Vnd summa / Es ist
allerley simulation/da man auch gleich nur zum schein etwas
thut/in der zeit der verfolgung/die verfolger damit zubetrie-
gē/ vnd das Creuz vnd gefahr abzuwenden/der Rechten
aufrichtigen Christlichen Bekenntnis zu wider. Vnd vn-
sers wissens hat man kein Exempel der Kirchen Christi
weder im Alten/noch Newen Testament/noch in der Kir-
chen Historia / das etwan eine Kirche in einer stad/oder
lande/auch in den aller geringsten Ceremonien / den feind-
en vnd verfolgern/ welche sie zu irer gantzen falschen Re-
ligion zu treten bedrengete/gewichen hette / vnd sich inen
in etlichen stücken gleichförmig gemacht / vnd das auff
solche weise/das man auch hette öffentlich sich Rhümen
dürffen/das solches alles in Gottesfurcht/Gott zu ehren/
die Kirche zu erbawen/vnd heilsam vnd zu allem guten er-
sprieslich geschehen sey. Las unsere Widersacher sich auff
diesen punct belesen/suchen/vnd fürbringen ein solch Ex-
empel ire that zubeschönen/Aber das wollen wir sie erin-
nert haben/das sie zusehen mit vleis/ das sie sich nach der
Regel von den Gleichnissen halten / sonst werden sie ei-
nen hohn vnd spot einlegen / Vnd ire böse hertzen ent-
decken.

Da wollen wir inen wol gut für sein/das sie viel Ex-
empel finden werden / die irer that gantz entgegen sind.
Denn die Kirchenhistorien wird sie berichten mit vielen
Exempeln/das die Christen alwege es dafür gehalten ha-
ben/das es vnrecht vnd wider das Bekenntnis des Christ-
lichen

G

lichen

lichen glaubens sey/da man den feinden/vnd verfolgern zu
gefallen seine Haut damit zu retten oder geschentz vnd
gunst der verfolger damit zuerwerben/auch nur ein Körn-
lin Weirauchs in das feuer zu werffen/vnd die jenigen so
solches gethan/haben sie niemals gelobet/ja man hat sol-
che für Mammelucken gehalten/vnd one öffentliche Zusä-
se nicht zum Sacrament gelassen.

Aus diesen wird die Regel erbawet. Alle Adiaphora
oder Mitteldinge beide kleine/vnd grosse/hören auff Mit-
teldinge zu sein im fall/da man eine not vnd gezwang/
oder einen Gottesdienst draus machet/oder so das Bes-
kenntnis drauff stehet/oder do Ergernis damit begangen
wird/oder do man einen bösen schein eines abfals von der
Rechten Kirchen/vnd einer Collusion/verrethtrey/vnd ge-
selschafft mit den verfolgern von sich gibt/vnd die Gott-
losen verfolger dadurch in irer verstockung/vnd falschen
meinungen stercket/vnd den Geist Gottes in den Christen
betrübet/vnd dem Namen Gottes eine schande/vnd vn-
ehr/einleget/vnd die ganze Religion/vnd viel Kirchen da-
durch verwüstet/vnd beschediget.

Können die professorn dieses aus/vnd mit Gottes
wort umbstossen/vnd das gegenteil beweisen/wollen wir
sie vleisig drum gebeten haben/sie woltens doch umb
Gottes willen ein mal eins thun. Denn es hat irer keiner/so
bisher die Falchadiaphoristische Zindel/vnd vbelthaten
zubeschönen sich vnterstanden/an diesen Knotten sich
machen wollen. Nun gebüret sichs warlich/vnd stünde
solchen Hochgelerten/dafür wir sie gerne erkennen/vnd eh-
ren/wol an/das sie doch von der sachen/vnd vom heubt-
grunde handelten/vnd die Wahrheit/so sie auff irer seiten
were/an tag geben/vnd der Kirchen Gottes zeigeten. Doch
eines müssen wir sie erinnern/denn sie pflegen sich sehr zu
vergessen in diese sachen/vnd ist dieses/ Ir wollet ja nicht
lieben Herren/die hochdrabende Oratoriam oder Rhetori-
ca vben/

ea vben/vnd vnuerriegelte schlösser aus strohelmen mache/
vom ansehen / Hoheit /vnd wunderwercken der Personen/
Von gefehrlichkeiten/ nutzen/vnd schaden / Vnd denselben
ein pleriment/ vnd schöne farben anstreichen / die Bauren
damit zubetrieggen. Denn wo man nicht aus Gotts wort
klare helle gründe wird fürbringen/so werden weder wir/
noch die Kirche Gottes mit euch können zufrieden sein.
Vnd zwar wir als Einfeltige(wie man vns denn auch für
Esel schilt/die wir denn auch vmb's Herren Christi willen
gerne sein/weil er ein Eselreiter den hochgelerten zum an-
anstoss ist/verwundern vns vber die massen sehr/das/die
das grosse viereggichte Kartenhaus/von mancherley far-
ben angestrichen/zusammen geflickt/ (*nota Exemplum historice
narrationis*)so für Professoren der ganzen löblichen Vniuer-
sitet angesehen wollen sein/ sich dieses heubtpuncts nicht
haben vnterfangen / jedoch können wir dencken/das wie
die Reministen zuuor sich mit dem namen der Wittens-
bergischen Schüler bedeckt / also haben sie nun eine ne-
we larua der Professorn angezogen / das sich fast alle
Gottsfürchtige drüber entsetzen müssen/vnd verwundern/
durch wasserley Geuckeley alle Schüler so bald in alle
Professorn verwandelt sein. Vñ zwar wir haben billich zu
klagen vber eine solche Nummery/vnd möchten schier ein-
mal gerne wissen/wer doch dieselben Poltergeister weren /
die sich durch so viel verenderte namen vnsichtbar machen.

Nun möchten wir es hierbey lassen bleiben/ vnd gut
sein. Denn weil der Maior vnd erste Proposition vmbges-
stossen/so liegen die Abiaphoristen im drecke / vnd bleiben
größer sünden schuldig/wie zuuor/vnd es hilfft sie nicht/
das sie bitter vnd böse sein/donnern vnd blixen/lestern vnd
schenden. Denn wir alhier von der Warheit grosser wich-
tigen dingen in Kirchen sachen mit jnen zuthun haben die
man aus Gottes munde/one ansehen der Person/vnd gros-
sen gaben/fürbringen mus. Aber jedoch auff das die sache
G ij desto

Besto schlechter/ vnd leichter dem Leser zu richten vnd vrtheilen werde/wollen wir auch den Minorem das ist/ die andere Proposition im Argument auswickeln. Denn ob er sich gleich nicht schicket / auff den Maiorem mit seinen Conditionen vnd vmbstenden erkleret/ jedoch mus man sehen/ ob auch diese dinge wie Sie fůrg eben/ sich also an jnen selbst verhalten.

Der Minor lautet also.

Wir (verstehe die Professorn vnd Adiaphoristen) sind gewichen vnd haben nachgegeben in sachen die ganz pur Mitteldinge sind / Dem zugefallen / der des Papsts Religion zugethan/ vnd sich vnterstund mit dem schwerd vnd gewaltsamer hand alle zu zwingen das Interim anzunehmen/ vnd haben aber wir sonst die substantialia wesentliche vnd notwendige stůcke der waren Religion behalten/ vnd darinnen nicht vergeben. Das ist jr Minor.

Wolan das sie vns hie nachgeben/nemen wir vor besant an / als nemlich / Das sie in Mitteldingen gewichen sind. Aber ob sie zu derselben zeit/ in denselben hendeln/ vnd in dem weichen die notwendigen vnd wesentliche stůcke der waren Religion ganz vnd Rein erhalten haben / wie sie die beim leben Lutheri/ vnd fůr der zeit gehabt/ da zweifelt man nicht alleine an / sondern sie leerens / vnd bekennes selbst / vnd schreiben es aus in die ganze welt/ das man es ja wol erfare. Denn das wir fůrnemlich durch den Glauben gerecht sein/ sagē sie V. am 2. Also aber hatten sie zuuorn beim leben Lutheri nicht geleret/ so haben wir auch droben bewiesen/ das solche/ Rede der heilsamen Leer zuwider sey. Amblat ff. am 2. vnd Co. am 3. sagen sie/ Diese Leer sey warhafftig/ vnd Recht/ Gute wercke sind nōtig zur Seligkeit. Aber also haben sie zuuorn nicht geleret / ja Lutherus hat in einer öffentlichen Disputation diese Proposition aus der Vniuersitet/ vnd aus den Kirchen Christi ausgesto

ausgestossen/ vnd in Ewigkeit verdammet. Am V 1. sagen sie man solle nicht streitten vmb das wörtlin/Sola/ da man doch zuuorn/ als ein sonderlich liecht der Reinen leer des Euangelij hatte erstritten / das man Alleine durch den Glauben gerecht werde.

Vom Primat des Papssts wird gelinde geredet/ von welchem Lutherus mit vnberweglichen gründen lerete/ das er der leibhafftige Antichrist sey / den man von ganzem hertzen fliehen / vnd verfluchen solle/ vnd das auch also/ das die so es nicht thetten/ nicht könten Selig werden.

Aber die Offenbarunge haben sie verscharret / vnd verfinstert. Was? Solten diese stücke nicht *necessaria & substantialia Religionis*/ das ist/ nötige vnd wesentliche heubtpuncten der Religion sein? Nun haben sie darinnen nicht geringe enderungen vorgenommen.

Solcher stücke wird ein fleisiger Leser in irem Buch von den Interimadaphoristischen hendeln viel mehr finden/ vnd wir haben sie in vnserm Buch von den Adiaphoristischen Corruptelen weitlenfftiger angezeigt/ da man sie mag lesen.

Sie dörfen sich auch sehr vnbedachtsam Rhümen/ das sie alle Irthumb on vnterlas mit ernst gestraffet haben/ nicht weniger/ als zur zeit Lutheri. Aber wo sie ausdrücklich vnd bescheidenlich mit ernst der Zwinglianer vnd Sacramentirer geschwirm haben widerleget nach dem absterben Lutheri/ wissen wir vns nicht zuerinnern/ das wir der andern geschweigen.

Endlich so bestehet auch das ander teil des Minoris nicht/ das sie gewichen haben in ganz geringen / vnd vnnötigen dingen. Denn sie haben ja den Bischoffen/ so fern sie nur nicht verfolgeten / die Ordination vbergeben/ vnd geboten das jederman sich alles guten zu inen verhoffen / vnd versehen soll/ ehe sie mit dem geringsten sich vernemen lassen/ das die Ppstische Bischoffe/ die ware Religion

ligion vnd Gottesdienste wolten annemen/ vnd ire falsche
Leer vnd Götzendienste faren lassen/ Ja do man das wis
derspiel greiffen vnd fülen könnte / Als/ das sie sich/ weil es
jnen nach irem wunsch vnd willen gieng / auff brüsteten/
vnd vnbilliche dinge foderten / pochten vnd scharreten/
hohnsprachen / lesterten vnd schendeten vnser Religion/
vnd dergleichen. Das es aber zu der zeit also zugestanden
sey/ das beweisen vnd bezeugen die Narratores / der Adia
phoristischen hendeln/ wer sie auch sein. Denn wie kan man
sie erkennen / weil sie irer Namen nicht bekant sein? Nun
heisset vns aber der Herr Ihesus Christus/ das man die
frembden Hirten/ falsche Propheten/ Diebe vnd Mörder/
als des Antichrists gliedmassen sein / fliehen vnd meiden.
Lieben Herren/ So saget vns nun/ ob es denn ein vnnötig
ding sey/ das man frembde Hirten/ welche die stimme Ihes
su Christi nicht führen/ fliehe vnd meide? O wie ein weiter
mantel ist die Falschadiaphorey der Professorn / das irer
viel grewliche Sünde vnd bubenstücke damit bedecken vñ
bementeln können.

Aber lieber las vns doch vmb wunders willē/ die species
der vermeinten Mitteldingen / so sie haben angenommen/
nachgeben vnd verwilliget/ besehen/ vnd nach der Richt
schnur von Adiaphron vnd Mitteldingen examiniren/
welcher ende der heilige Geist bestimmet hat/ das sie zu gu
ter ordnung/ zier / vnd erbarunge dienen sollen / vnd da
sie dauon abtreten/ vnd zu diesen benanten stücken nicht
dienstlich sind / verlieren sie iren titel art vnd natur vnd
sind nicht mehr Mitteldinge.

Die letzte Olung geben sie nach. Denn Q. 4. schreiben
sie also. Vmb die Olung wollen wir vns nicht haddern/
Die irthumb aber verwerffen wir / Das das buch saget/
das durch solche ding die gnad gegeben werde/ Item R. 4.
Das man von wegen der Olung sehr zanken vnd streiten
solte / wollen wir nicht rahten. Item / Tt. 4. Die Olung
mag

mag man halten nach dem Euangelio/ Marci 6. vnd Jacobi 5. Item. 33. 2. Diese Olung mag man fürder brauchen / eben also / wie die Apostel jrer gebraucht haben. Also steht auch im Leipzischen Beschluß. Wiewol in diesen landen die Olung in vielen jaren / nicht ist im brauch gewesen / dieweil aber in Marco vnd Jacobo geschrieben stehet etc. Darumb mag man hinfürder solche Olung nach der Apostel brauch halten / G. am letzten.

Es ist aber zu dieser Unser zeit / die letzte Olung kein Adiaphoron oder Mittelding / auch außershalb der Bekentnis. Ursache sind diese. Denn es war den Aposteln kein Adiaphoron / das sie den Krancken hülffen / Sondern sie thatens aus befehl Ihesu Christi. So war auch das kein Adiaphoron oder frey wilkürlich ding / Das so an denen / welchen es nötig war / jr gabe wunder zu thun / beweiset / sonderlich / da es jnen der Geist auch eingab / da sie es thun solten. Ober das so ist im Predigamt / das ein Adiaphoron oder Mittelding / Das den Kirchen dienern zuthun möglich ist / Aber eine solche Olung wie die Apostel gebraucht haben / Vermögen wir jetziger zeit / vnd in diesen Landen nicht. Denn die Adiaphoristischen / vnd Interimistischen hendel wollen / das die Olung sol geschehen nach der Apostel weise vnd gebrauch. Nun haben aber jetzund die Kirchen diener nicht mehr / das selbe edle vnd köstbarliche Ole / das in denselben Landen wechsset / haben auch nicht die gaben / wunderbarerlicher weise gesund zumachen. Sintemal vns denn mangelt die materi / wir haben nicht Apostolisch Ole in der büchsen / vnd auch nicht haben die selbige gewalt vnd macht / volget / das die Olung dieser zeit vnd an diesen orten nicht sey oder sein könne / ein frey Mittelding / Darumb gantzlich nötig / das mans vnterwegen lasse. Darzu so ist es nur ein vergebens nachahmen / vnd derwegen abermal kein frey Mittel / sondern ein verworffend ding. Darzu geschicht sie auch zur Superstition vnd

G iij aber

aberglauben/gleich als ob solche schmier den Kranken etwas nützte. Vnd wird solcher schandfleck nicht können dauon genommen werden durch eine schminck rede/ dieweil man das heuptstück bleiben leß. Vnd ist derwegen wol ein wunder/ das man mit einem solchen hohen Mute disstück vor ein Adiaphoron aussprechen darff/ das vns doch zu thun vnmöglich ist/ vnd wir weder in seiner substanz noch form haben können. Darumb solten sich ja billich schier ein mal eins schemen/dieselben Patronen/ vnd verteidiger solcher Ceremonien / die da so gar vnuerschempt schreiben / man solle schmieren wie die Apostel/ da doch solches vnmöglich ist. Sind aber etliche vnter jnen/ welche die kunst vnd weise können zu heilen allerley gebrechen/ die mögen immer hin schmieren die Körper / es sey mit Rosen oder spicken Oell/ oder auch mit Mondragorn / Mastich oder andern dergleichen Oell / allein das sie solches ir schmierwerck nicht in die Kirchen agenden mit einbringen etc.

Das man bey der Tauff sol Saltz vnd ein Wachsliecht brauchen/ leren sie im Buch irer Adiaphoristischen handlung Vu 3. Vnd im Leipsischen Beschlus / G. 3. sagen sie von der Tauff/ das sie sol auch mit andern alten Christlichen Ceremonien geleret vnd gehalten werdē. Diese beide reden / erkleret eine die ander.

Nun bedencke ein jeder Christ / Ob das auch seiner natur nach/ ein Adiaphoron sey oder nicht / So man das Saltz wider zur Tauff gebraucht/ sonderlich in den rechten vnd wol angerichten Kirchen/ da es ist aus guten vrsachen abgethan wordē. Denn was dienet doch das Saltz zur ordnung der Tauff? nichts. Was dienets zur zier? nichts. Was zur erbawung? nichts. Denn das Kind auff's Saltz noch nicht merckt/ kans mit unterschied noch nicht gebrauchen. So haben die erwachsene leute bedeutung gnug an denen dingen/ die zum wesen vnd Substanz der Tauff eigentlich

gentlich gehören/Es ist auch solches eine Heidnische weis-
se/die bey iren Opffern Saltz gebraucht haben/welchs
vnrecht. Nun sol man kein aberglaubisch ding nach thun/
denn es ist nicht ein frey ding einem Christen/sondern man
sols vnterwegen lassen. Vnd ist ein lose Cauillation / ist
doch sonst des Saltzs gebrauch/ein frey ding / Warumb
den nicht auch in der Tauff? Antwort. Die gleichnus treget
nicht vberlein/denn in der Tauff wird auff etwas anders
gesehen. So wird man auch kaum einen auff erden finden/
Der sich des Saltzs allerding gar als eins freien dings ent-
halt/in der warung seins leibs.

Das Wachsliecht/welchs als ein vnnütze Ceremonia
zunor von der Tauff ist weg gethan/ sol nun auch wider-
umb gebraucht werden. Nun was nütze doch das Wachs-
liecht/zu der ordnung der Tauffe? nichts/Was zur zier?
nichts. Denn im Mittag ein Wachsliecht anstecken/kan
nicht allzu gros zieren/hat jemand lust feur zusehen / der
kans besser auff dem herde sehen / da man Koll kochet/
oder in eins schmieds esse / da man Eisen schmidet vnd
verarbeit. Was ist aber auch nütze zur erbarung dem
jungen Kindes? lauter nichts. Man woll denn darmit an-
zeigen/es werde bisweilen zu nacht wachen werden/zu gu-
ten vnd bösen wercken/darzu es ein liecht bedürffen wer-
de. Vns düncket aber/sie thetten viel besser daran/wenn sie
einem armen Studenten etliche pfunde Wachs geben/das
er Winters zeit darbey studierte/da hette die bedeutung ire
krafft vnd nutz. Gottes wort ist one das ein liecht / vnd be-
darff keins Wachs. Es kompt aber solche weis her / aus
dem Judenthumb/vnd zum teil auch von den Heiden / die
das feur ehreten/vnd für iren Abgöttern brennende liecht
auffsteckten. Das man nun will der falschen Religion/ ja
dem Antichrist selb zu dienst vnd gefallen/ an solche hohe
Göttliche ordnung mit anhängen/was aberglaubisch vnd
vnnütze/vnd solch durch öffentliche gebot vnd zwang/das
ist

ist fürwar in keinen weg Adiaphoron oder ein frey ding in
der Christlichen Kirchen.

In haltung des Nachtmals / lassen sie die ganze
Messe zu. Doch bessern sie es hernach ein wenig vnd sagen/
ausgenommen was Gottlos ist / So reden sie auch mit Papi-
stischem munde. Et. 2. Es mögen mehr Messen in der woch-
en angericht vnd gehalten werden / darin die Communis-
on gehalten werde. Item Ex. 2. Erzelen sie auch das Confes-
sion / vñ neben andern auch die widerauffrichtung der Ele-
uation / oder auffhebung / Ist aber lieber Christlicher leser /
diese larnen der Papischen Mess / vnd diese vergleichung
mit derselben in allen stücken nicht ein böser schein? Ein
solche form vnd gestalt / hatte warlich nicht das Nachts-
mal von Christo auffgericht / vnd ist nicht also / in der was-
ren Kirchen hernach gebraucht / Gott heist vns ausgehen
aus des Antichrists Kirchen / durch diese larnen aber gehet
man frey öffentlich zum Antichrist hinein / solches alles
geschicht zu dienst vnd wolgefallen / deme so der Bepstis-
chen vnd vnchristlichen Religion zugethan ist. Ja es brin-
gen diese Adiaphoristische hendel / ist der ganzen Christen-
heit an den tag / das man auch vmb den Canon sich nicht
ein wenig bemühet vnd bearbeitet hat / wiewol der noch
bisher nicht ist allerdinge angenommen worden.

Bedencke aber auch / wie vnser Deudsche Kirchen
hiermit erbawet werden / da man eitel Lateinische geseng
in der versamlung der Christen hin plerret vnd niemand
verstehet / ob Gott dadurch gelobet / oder geschendet werde /
da auch niemand kan Ainen dazu sagen / Ja da auch die
jenen / die vnter den zuhörern etwas gelert sein / dennoch
nicht können vernemen / was man singt / es sey denn / man
könne etwas zumor wol auswendig / denn man es alles
vberschreiet vnd vberleitet. Die Knaben aber im Latein zu
vben / hat einen andern gelegenen ort vnd zeit / vnd ist für-
war nicht ein geringer Kirchenraub / Das man nur etliche
wenig

wenig Deutsche Lieder/vnd das selbe nur zu etlichen weni-
gen zeiten / im jar noch vbrig bleiben lest / Denn was der
Antichrist durch dieses Meisterstück erhalten hab / ist lei-
der öffentlich am tag / mehr denn es kan verneinet werden /
Sie sagen aber / ist doch one das in andern Kirchen etwas
des Lateinischen gesanges noch im brauch / Antwort / Das
ist war. Es ist aber hier nicht die Disputation von dem
das noch im brauch / sondern von dem / das man wider
von newen sol annemen. Ober das so wer wol zu wünd-
schen / Das man in solchen der Christen versamlungen / da
der meiste hauffe vngelert ist / entweder alles gar Deutsch
hielte / oder aber gar wenig Lateinisch geseng vnter die
Deutschen mit einmengte. Denn wie gesagt / die jugend im
Latein zu vben / hat eine andere stete / hier aber an diesem
ort / sol man sich des allein beueissen / wie der gemeine man
vnd die einfeltigen erbar werden etc.

Die wideranrichtung aber der Elevation oder auff-
hebung des Sacraments / welche allein geschicht zu gefal-
ten deme / der des Paps Religion schützet / was nützet
dieselbig? Es ist auch die Superstition des Antichristi-
schen Reichs vor augen. Item es ist auch gewis / das solch
es weder zur ordnung / noch zur zier des Nachtmals etwas
nützet oder dienet. Denn die schlechte einfeltige weise das
Nachtmal zuhalten / wie es Christus hat selbs angericht /
vnd eingesetzt / ist an jr selb zierlich genug / zur erbarung
aber dienet es souiel / wenn mans wider auffricht / das es
die Papistische Superstition repräsentirt / vnd auch wider
mit sich einfüret. Sol man nun vmb der verfolger vnd A-
berglaubigen willen / widerumb auffrichten / Das vmb A-
berglaubens willen ist abgethan?

Sie erzelen auch die Caseln / Alben der Diaconen vnd
den Chorrock T. 4. Item das Glocken leuten / vnd wachs
licht. Nun ist aber ein ander ding / So man behelt was
one Ergernis im brauch stets geblieben ist / vnd ein ander

ding so man etwas der Bepstlichen Religion zugefallen
wider auff's new anrichtet / O wie arme leute werden die
sein / Die solche ding nicht haben / Sie werden wol müssen
von haus / zu haus Betlen umbher gehen / darzu man inen
denn wird müssen Bettelbriene machen vnd geben / Damit
sie inen solche Pomp vnd gauckelwoerg können zeugen /
vnd an solche vnnötige ding anlegen / Das man billicher
dürfftigen leuten gebe / sich darvon zuenthaltten / Den so die
se ding nicht nötig / wie sie selb bekennen / Warumb heissen
sie denn vnnötige ding die leut kenffen / vnd das gelt so
man wol zu nothwendigen dingen bedarff / mit vnnötigen
umbbringen / dadurch die nötigen Allmosen nachbleis
ben?

Woher ist aber solcher Ornat vnd Messgewant ko
men? Wird nicht eben darumb der Antichrist gestrafft /
das er nach solchen dingen so hefftig getrachtet / vnd vn
rechtlicher weise hat wollen damit nach folgen / entwe
ders dem Judenthumb / oder aber dem weltlichen stande.
Ja sagen sie / Es haben etliche Keiser aus guter wollmei
nung köstliche Kleider gegeben zu den heiligen Emptern.
Es sey im gleich also / Sollen aber darumb alle Leut
solchs nachzuthun mit gesezen verbunden werden?

Sie geben auch nach / das man in grossen Steten sol
horas Canonicas singen / gleich wie zu Merzburg Ll. 3.
Das geschicht auch nur aus vnrechten nach affen des
Babstums. Darnach lieber so bedencke doch auch Christ
licher leser / Ob das ein Adiaphoron sey / wenn man gewis
se leut bestellt / die zu gewisser zeit / Gottes wort jemerlich
durcheinander in frembder sprache herschnattern vnd heu
len / da sie selb nicht verstehen / was sie singen / oder ob sie es
gleich verstehen / doch nicht achtung drauff geben / vñ ist ir
thun nur dahin gericht / das sie gedenccken / wenn sie angeho
ben / wie sie bald wider darvon komen. Die zuhörere zwar
hören wol den schall / vernemen aber kein wort. Wer weis
aber

abernicht/das solchs bald wider in solchen misbranchen
gerhaten k̄ntes. Man thete besser dran/das man solch gelt
zu den schulen wendete/in denen die schulmeister recht. So
ras Canonicas/vnd das mit grossen nutz halten/wenn sie
die jugent zu gewissen stunden lehren Gottsfurcht / zucht
vnd alle ander gute ehrliche k̄nste.

Von Thunicapitteln/aus denen man Bischoffen wela
sol/ sagen sie 29.3. Nun ist aber ein ander ding von schulen
zu reden / vnd ein anders von solchen Thunmereien oder
schwarmhauffen. Vnd wer zwar besser man handelte das
von wie man solche Collegien widerumb in hohe schulen
verenderte / wie sie für alters gewesen. Denn dergleichen
Stift/da man nur müssige vnd faule Sodomiter vnd
fress wenste ernert/k̄nnen mit nichte / als vnnötige ding/
entschuldig werden. Ja freilich aber sind solche Stift in
aller waheit vnnötig / darzu auch beide Gott vnd mens
schen / nur ein schande vnd schaden / auch nicht ein klein
partickel von dem verfluchten Antichristischen stande.

Sie geben auch nach den gebrauch des Oels / in der
Kirchen diener ordination Et. 4. Wenn man das / sprechen
sie/bey den Bischoffen k̄nte erhalten/so sol man sich das
Oel in der Bischoff weihe nichts irren lassen. Nun kan
aber die Ordination auch wol geschehen / vnd bestehen/
one das Oel/vnd ist ir rechter schmuck vnd ornat die lehr/
Bekentnis / gebet / Die erbarung ist/so man von der lehr
vnterricht thut/vermanet/vnd Gott anruffet/ das Er ge
genwertigen beruffenen Diener regiere vnd erleuchte/vñ ein
seligen werckzeug aus jm mache. Leglich ist diese schmier
auch nur ein falsche nachomung der Jüdischen weise.

Sie lassen auch die Vigilien oder Seelmessen zu/
auch noch geschehenem begrebnis. Vu. 1. vnd 33. 3. Geseng
zum Begrebnis / vnd auch (Mercke) hernacher/so es je
mand begert / mag man gebrauchen / zur gedechtnis der
verstorbenen/vnd der Auferstehung. Solchs wird auch wi

derholet am Lee. 1. Siehe da/wer merckt hie nicht/das vnter solchem pelzklappen steckt / alles Papistische gemürmel/darumb man gelt geben mus. Was thut aber solchs zur ordnung/zur zier/zur erbawung des tödten? Denn vom Tode vnd der Außerstehung sollen die so noch beim leben/one das lesen vnd gelehret werden. So halten wir one das feine selige leich begrebnus mit gesengen vnd Predigten/nach einer jeder Kirchen gewonheit.

Das fest des fronleichnamis tag/wird ausdrücklich gesetzt. 33. So man aber am selben fest etwas anders sol thun / Denn der namen mitbringt / was hilffts/das man einen Abgöttischen titel in die Kirchen agenden eindringt/vnd darüber so halstarrig helt / Das man auch Pfarnen drüber verjagt/die solche Abgöttische laruen nicht wollen anziehen.

Das man am Freitag/Sonnabent/vnd in der fasten nicht sol Fleisch essen/geben sie nach/was thut aber solchs zur Ordnung/zier/vnd der Kirchen erbawung? Was thut man mit in der Kirché agende? Wens nur sol ein weltliche ordnung sein? Man lasse die weltliche Obrigkeit / in ire weltliche gesetz solches mit fassen / das man an gewissen tagen kein Fleisch verkauffe. Denn so man wolte verbieten/das auch in den heusern niemand solte Fleisch essen/das wer ein aberglauben/vnd ein Antichristischer zwang.

Vnd das sie nicht nur etliche wenige vnd geringe ding anzunemen / nachgelassen haben / wird durch diese wort irer handlung bezeuget/RRR. Daraus sprechen sie/ist ein newe bedencen entstanden / welchs eigentlich die nach komen angehet/als/wie man sich halten sol in widerauffrichtung/der abgethanen Mittelding etc. Item 33. 1. Der gleichen sol in Mitteldingen gehalten werden/ wie es die heiligen alten lehrer gehalten haben/vnd bey jenem teil se vnd allewege gebreuchlich gewesen. Das mercke/das bewe gelieber Christ / wohin es gelanget.

Ja

Ja lieber höre noch mehr in einer Summen/was sie
alles nachgeben haben/ Denn sie es auch selbs nicht alles
erzelen mügen. Ex. 2. Sagen sie/die **AGELDEN/PORTIJSJUAL/VND MESSVCHER** sind geendert
vnd zum brauch der gereinigten Kirchen zugericht/ vnd
sind dis ire wort. Als viel belangt die geseng / **AGELDEN/PORTIJSJUAL/VND MESSJUAL**/sind al
le in sonderheit vbersehen/vnd was nicht rein ist/alles son
derlich bezeichnet. Vnd das ist freilich das ganze ges
chmeis/Syrup/vnflat/ vnd mistpfünze der Mittelding/
nicht etlich weniger vnd geringen sondern aller mit einan
der auff einen hauffen. Wer wil nun hie leugnen / er sey
denn toll vnd töricht / das nicht sey eine solche gleichförm
igkeit/vnd vergleichung/dadurch ein solch bild geschmi
det wird/das allerding der Bepstischen Religion ehnlich
vnd gleichmessig sey. Denn durch solche ding / wird erst
lich vnser gute vnd heilsame Kirchen ordnung auffge
haben/gute ordnung zurüttet / Die erbarung verhindert/
verwirret/zerstört/vnd durch eine solche Sindfluth so vie
ler Ceremonien beide die lehrer vnd zuhörer beschweret /
vnd gar eingenomen. Ist nun das nicht gnug/ zu viel / vnd
ja alzuviel nachgegeben/so wird warlich kein mensch auff
erden verstehen was nachgeben sey vnd heisse.

Wo ist aber nun solchs alles so wir erzelt haben/
hingericht. Antwort/zur erklerung Minoris in der schlus
rede / das nemlich aus der Adiaphoristen eigen bekent
nis offenbar wird/das sie nicht nur solche ding nachges
geben haben / die blos vnd lauter Mittelding sein/ Item
nicht nur geringe vnd etliche wenige/wenn man recht von
sachen vrteilen wil. So nun solchs aus iren Worten erweis
set vnd klar ist/vnd sie auch selbst wollen/das es jederman
gewis vnd eigentlich wisse / vnd für war halte/wir auch/
das solches jederman gleube/ vleissig vnd vmb Gotteswil
len bitten/So ist öffentlich/ klar vnd vnwiderprechlich/

h iij

das

das die stück Minoris in der Schlußred / auch nicht war
sein.

Das aber solch nachgeben / fürnemlich vnd am aller
meisten geschehen sey / zugefallen deme / der der Bepstis
schen Religion aller ding ist zugethan / vnd anhengig ge
wesen / der auch eben zur selben zeit hat vorgelegt vnd auff
gedrungen eine form zur Bepstischen Religion dienstlich /
vnd auch hart darumb iderman gedrückt / ist auch mit
der wehr bereit gewesen jederman zum abfal von der erkan
ten warheit abzudringen / vnd das man wider sol kerem
zum Bepstischen hauffen / Das bekennen sie selbs frey aus
drücklich / vnd erweisen es durchs ganze buch viel hundert
mal / Denn sie bezeugen / das jr Fürst / nicht vor sich selb so
hab angehalten / vnd in sie gedrungen / Sondern es sey des
Keisers hefftig treiben / befehl vnd gebieten gewesen.

Beschlus.

Selt nun also erwidert die ganze hohe ge
swaltige / Stolze pranghafte scheingeber / des
Adiaphoristischen Syllogismi oder Schlußrede.
Entgegen aber bestehet vnser Argument vnd erweisung /
das wir inen iner dar auch mit vberdrus haben fürgehal
tē / Sie haben auch bisher nichts redlichs noch bestendiges
darwider auffgebracht / weder die Wittenbergischen schü
ler oder Professorn / noch auch andere der Adiaphoristi
schen handlungen anklebende Patronen / denn nur alleine
gros schnarcken / vnd ein hauffen Schandwort / darinnen
inen der preis gelassen / vnd das Krenzlin auffgesetzt
wird. Es wird aber die vnser Argument inenthalben auch
in künfftigen zeiten wol stehen bleiben / wie ein gewaltiger
fels / Vnd wird den nachkomen eine Regel sein werden /
zu richten von diesem ganzen streit / die one alles ansehen
der

der Person lesterung vnd dergleichen bönnern vnd pligen
allein von der blossen sach an jr selb vrteilen werden etc.

Ein jeglicher der da weicht/auch in den aller gering-
sten Ceremonien / wenn man eine noth / zwang / Gottes-
dienst drans machet/das Bekenntnis drauff stehet/ein Er-
germis oder böser schein des abfals zum Antichrist daraus
entstehet/Item wo man sich damit wil vergleichen / mit
der offenbarten Bestien/damit heuchelt / mit den feinden
vnd verfolgern/Item so sie durch solch Weichen gesterckt/
der heilige Geist in den Christen betrübet wird / vnd so es
gereicht zur schmach vnd vnehre Göttlichs namens / ver-
wüstung der Kirchen / derselb sündiget schwerlich wider
Gott vnd die Kirchen/ etc.

Solchs ist geschehen von den Adiaphoristen/derhalb-
ben haben sie gesündigt / vnd sol nicht vertediget/sonder
viel mehr geendert vnd gebessert werden vmb der Kirchen
Gottes willen/ so grund ist / vnd auch hernach folgen
wird.

Maior in dieser Schlusrede/ist offenbar aus der
Regel/die wir droben gnuß haben bewiesen. Minor wird
gar deutlich erweiset/vnd erkläert in dem buch der Interimi-
stischen vnd Adiaphoristischen handlungen etc.

Was aber hier entgegen mag auffgebracht werden/
so man solchs mit rechtem vrteilen helt / gegen der Regel
von den Adiaphoris/So zergeth es alles wie Wachs von
der Sonnen hitze. Denn das sie sagen/man solle leiden/ wo
es von nöten ist / so lert die Regel. Es sey da am meisten
von nöten / wenn die verfolger nicht allein nach vnser
Christlichen / vnd waren freihait stehen / sonder auch das
gantzlich gesind sein/Das sie die Christen mit gewaltsamer
hand/von der waren Religion abdringen / Das sie sagen/
die gewissen werden verwirret/das wird eben durch diesel-
be Regel verantwortet / denn sie macht die gewissen feir-
richtig/in dem/das sie erinnert/es seien solchs nicht geringe
sachen/

sachen / darumb es zuthun ist. Das sie anziehen / man sol
Gott nicht versuchen / bericht die Regel / das heisse nicht
Gott versucht / wenn man mit den Gottlosen nicht am joch
zeucht / sonder wenn man mit ihnen am joch zeucht / das heis
set eigentlich Gott versuchen. Das es aber ein joch sey / bes
kennen sie selbst / denn sie sagens selbst heraus / es sey ein dienst
barkeit / in welchem wort sie sich gnugsam verraten vnd an
tag geben / Das aber derjenige so solchs getrieben / Gott
los sey gewesen / das ist der Pöpstlichen Religion zuge
want / das haben sie selbst mit sonderm vleis in die Schrift /
vnd ire beschriebene handlung gebracht.

Das sie aber vorwenden / man sol zuvor alles versuchē /
sagt die Regel nein darzu / das es auff eine solche weis ges
chehen sol / Den es hats die gewisse vñ öffentliche erfahrung
geben / das der Keiser hat schlechts vnd strack haben wol
len / das man das ganze wunderthier / Interim genant an
neme / vnd das er sein schwert nicht gezuckt / allein vmb des
leinen Kittel willen den Chorrock.

Das sie sagen / sie haben das geringere vnglück erwe
let. Ist das die richtige antwort drauff / mit vnrecht thun
oder sünden / sol man sich nicht von der straff abkuffen /
oder wie geschrieben steht. Man sol nicht darumb böses
thun / das etwas guts draus kome. Das sie sprechen / Es sey
eben das auch des Luthers meinung gewesen / so ist doch ge
wis / das der Luther / allwegen diese bedingung hat mit an
gehengt / wenn man erstlich in der Leer einig werde. Dar
nach so sollen auch dieselbigen verborgenen Briene / da
von sie rhümen / nicht bald drum im Vrteil fürgezogen
werden / seinen öffentlich ausgegangnen Büchern. Dazu so
redet eben in denselben verborgenen briffen der Luther al
lein vor sich selbst / benimpt aber das mit nicht der Kirchen
ir Vrteil / so wil er darzu auch nicht / das die gewissen sol
len verstickt werden. So war traum er / auch nicht ein
solch schwanckend vñ vnbestendigs Rohr / das er in solch
er grosser

er grossen Verfolgung / wenn die wer vber im gefallen/
bald widerumb den feinden zugefallen hette eine Kappen
angezogen/oder ander dergleichen affenwerck des Paps
wider angenommen.

Derwegen ist hieran kein zweifel / es geschehe dem
fromen Herrn Docteur Luther/darin gros vnrecht/der also
zu einem Schande deckel gebraucht wird. Das sie entge-
gen setzen/man hette vor derselben zeit / gerne eine gleich-
förmigkeit in den Ceremonien angericht. Ist die Antwort/
a per se ad per accidens nihil sequitur. Wenn man eine beweisung
oder Argument führt/von dem ding/das an im selb in sein
wesen also ist/auff das ding/so nur zufelliger weise/darzu
kompt / so bestehet vnd bindet es nicht. Das sie auch das
herzu bringen. Es sey je vnd allweg von den Protestieren-
den stenden/dem gegen teil also verheissen/darinnen wolle
man erwegen / die mit angehengte Condition vnd bedin-
gung nemlich/so man zuvor in den notwendigen puncten
der Lere were miteinander einig worden. Das sie vorge-
ben/es sey diese bedingung jmer mit ausdrücklich gesetzt/
Was one verletzung der Leer/Gottes ehre/vnd des gewis-
sen könne gehalten werden etc. Das streittet wider die Re-
gel/vnd ist auch iren Worten/vnd irer that entgegen. Das
sie anzeigen/durch solch nachgeben/wer die Kirche erhal-
ten / das wird verlegt durch die Regel / durch Exempel/
vnd durch den entlichen ausgang dieser sach/ denn solch
nachgeben ist verhindert worden / vnd sind dennoch die
Kirchen erhalten. Woher ist aber solchs geschehen? Weme
wollen wirs zuschreiben? Der störrischen beständigkeit/
wie sie es nennen/nach der Regel von den Adiaphoris oder
Mitteldingen gerichtet / oder aber / irem Philosophischen
weichen/wider dieselbe regel vnd Richtschnur? Denn wir
reden hie von den Mitteln / die Gott hierzu gebraucht
hat.

Das sie aber weiter fürgeben/andere die ire geländig-

Zeit und Mittelmäßigkeit (denn sie nennen es immer den
mitlern weg) nicht haben können billigen/haben zur auff-
rühr und verwüstung gerhaten / das ist eine öffentliche
greiffliche lügen/mit vrlaub zureden / vnd wird nimmer
mehr mügen beweist werden/das sie sprechen es habe nicht
gebüret / den geringsten im volck Israel den fall Aronis
zu straffen/das ist nicht nach Gottes wort geurtheilet. Ver-
ner ist offenbar / das auch darin nicht aufrichtig noch
Christlich gehandelt wird/das man diesen streit/ in hoch-
wichtigen sachen/durch eine solche Sophisterey/ verleumb-
den vnd faulen Zeitzgen wil schimpfflich / vnd verdecktig
machen / gleich als haderte man sich nur so hefftig vmb ei-
nen leinen Chorrock. Denn ire handlungen vnd vnser war-
nungen beweisen klar vnd gewaltig das widerspiel/ vnd
ist eben/ als wenn einer sagte von der sünde Aronis/ es we-
re allein der streit gewesen von wegen des gelds / vnd nicht
von wegen der Abgötterey von jme begangen etc.

Es ist auch dieses offenbar / das man auch in dem
der warheit spart/ als sey der streit alleine vmb solche Ceres-
monien/die man vorhin im brauch habe/oder aber etliche
andere gar wenig/die man wider solle annehmen/Denn das
ganze Buch irer handlungen / schreiet dawider. Denn
siehe/sihe lieber leser/ganze vbersehene vnd geflickte Pon-
tificialia vnd Messbücher/sollen in die Kirche wider ein-
genommen vnd gebraucht werden. O hette man nicht so viel
Messbücher zerrissen vnd das Pergemen verkauft / wie
soltten sie da so gut worden sein. Es besteht auch das nicht.
Es sey dis gezencf allein entstanden von hören sagen/
Trennen/Merlin/vñ vbelem nachredē/den hie werden her-
für gebracht/vnd in die Welt ausgesprenget/ire bedencfen/
vnd berathschlagungen/deren der meiste teil zur selben zeit
an vieler Fürsten höfe vnd Stedte ausgebreitet worden/
sind auch im öffentlichen Landtag zu Leipzig als gemein-
ne Decret

ne Decret angenommen / vnd an etlichen orten auch ins
werck gebracht worden.

Das ist aber sehr wol vnd vleissig zu mercken / das
sie klar bekennen / C. C. 4. Die Theologen haben den
Leipzischen Beschlus / der denn darnach auch andern
Kirchen ist auffgedrungen worden / dennoch **B E W J L**
L J G E T / ob sie sich gleich mit diesen Feigen blettern gern
decken wolten / sie haben in nicht gestelt / vnd ist freilich
nicht on sonder geheimnus geschehen / das sie eben diesel-
ben Leipzischen decret vnd beschlüsse / welche sonst das
junge Interim genennet werden / aussen gelassen haben / so
man doch am aller meisten richtet nach deme / was am
letzten entlich beschlossen wird / vnd nicht nach vorgehen-
den handlungen / die mancherley fürfallen. Vnd ist eine vns-
warheit / das sie sagen / Es seien nur handlungen darvon
gefallen / aber nichts eigentlichs beschlossen worden. Denn
die Leipzische form vnd so vieler menschen gedechtnus / be-
zeugen das widerspiel.

Endlich dieweil sie ja aller dings vnser vrteil nicht wol-
len hören noch leiden / vnd sol jres alleine in dieser sachen
gelten / als sey es auffrichtig vnd gewis / wolan so wollen
wir aus den Adiaphoris selb / vnd aus jrem eigen munde
hören was sie selb dauon sagen / schreiben / drücken / vrteilen
vnd halten / alleine Christlicher lieber leser / thu hertz vnd
augen auff / C. 4. Schreiben sie mit diesen Worten also. Es
beweiset / die **O F F E R T L I C H E** that / das man sich
vergebens vnterstehet / vereinigung zu machen / mit vnsern
V E R F O L G E R N. Denn ob gleich zum teil ein einiger
keit gemacht wird / So wirs doch nur ein solcher friede
wie zwischen **W O L F E N** / vnd **S C H A F F E N** / das
sind ire eigene wort. Vnd eben dasselbe sagen wir auch /
vnd haltens dafür / das es war sey gewesen / vnd auch noch
sey. Derhalben solte man ire eigene Censur vnd vrteil auff
das ganze lange buch der Adiaphoristischen handlungen

mit grossen Buchstaben schreiben/ als zu einem Titel vnd
inhalt/ Nemlich das die vereinigung mit denselben versol-
gern/ sey eben eine solche einigkeit/ wie der Wölffe / vnd der
Schafe miteinander / vnd nach dieser meinung / begeren
wir/ wolle man das vrteil stellen / vnd im namen Gottes
gehen lassen. Item 2. Schreiben sie also/ Vorwar es wes-
re viel besser / Das wir dieweil zu hause vnserer Kirchen
rhue vnd einigkeit sucheten/ erhielten vnd bewarten / denn
das wir vns/ newer vnd schedlicher verenderung vnterstes-
hen/ vnd damit VRSACH geben/ zu einheimischen vnfrie-
den / inwendigen zwoitacht / spaltungen vnd bösem vnd
vielfaltigen ergernissen vnter vns/ den es ja gewis ist / das
man dis buch in andern Landen vnd Stedten nicht wird
annemen/ das sind ire wort. Lieber sihe doch/ mercke / be-
wege/ greiff doch alda/ was sie selbst vrteilen/ vnd sein als
Propheten zuuor verkündigen von iren thun/ des sie sich
vnterstehen. Dieses setze nun hinan an die Maiorem/ der
Schlusrede / vnd glaube nun nicht jemand andern/ son-
dern inen selbst/ vnd wie sie selbst/ von iren eigenē sachen rich-
ten. Ach das Leute augen zusehen/ ohren zu hören/ hende
zu grieffen hetten/ so könnte man wol zur warheit komen/ in
der Epistel so mit vnter der studenten schrifften gemenget/
stehen auch diese wort. J. 4. Ich bekenne auch / das ich in
diesem stück vnrecht gethan hab/ vnd bitt Gott vmb verge-
bung/ das ich nicht WELT geflohen bin / von diesen bes-
trieglichen oder hinderlistigen handlungen.

So wollen wir nun derwegen alles anders stehen vnd
beruhen lassen/ vnd wider zur Zeubtsach keren. Es wil den
Adiaphoristen in allen wegen von nöten sein/ das sie die
Regel droben von den Adiaphoris erzelt / brechen / umb-
stossen vnd zu nichte machen/ mit hellen vnd klaren sprüch-
en der heiligen Schrift/ des vnd kein anders. Vnd wir er-
manen/ flehen vnd bitten sie auch ganz demütig/ mit ge-
falteten henden/ vmb Gottes willen/ seiner Ehr/ auch ires
eigen

eigen vnd vieler ander leut gewissen vnd seligkeit willen/
wo sie es recht warhafftig vnd bestendig thun können/
das sie es doch thun/vnd eine bessere / gewissere/völligere/
vnd warhafftigere/meineinung vnd Regel/von den Mit-
teldingen herfür bringen / ordnen vnd machen / welchs
von inen bisher nicht geschehen/vnd darüber aller fromer
leut gewissen/zum aller beschwerlichsten Klagen. Denn so
lang die Regel stehen bleibt/als wir denn gantzlich hoffen
vnd nicht anders wissen/so bleibt auch stehen die sach an
sich selbst/sampt vnserer warnung. Wo aber die vmbge-
stossen wird/so felt auch alles anders mit darnider das ist
gewis. Darumb wollen sie stürmen/so müssen sie an deme
ort hinan/sonst werden sie es bleiben lassen / vnd hören/
kere wider vmb/vnd las gut sein. Vnd wie das erste stück
sie auff iren teil/ Also erinnere das ander vns auff vnserm
teil/was zu thun von nöten sein wil.

Des wollen wir aber sie dennoch zugleich hiermit
gantz wol gewarnet vnd vleissig ermanet / vnd vns dar-
mit verwaret haben / das sie nicht sollen nur alleine gebot
stellen/aus eigener gewalt vnd ansehen/ auch nicht daher
aus menschlicher wijze nur fladdern / wie man durch vns
christliche wege gefar vñ schaden soll abwenden/vnd seinē
fromen schaffen/ Sie wollen auch nicht daher geuckeln/
mit dem Argument/a per se ad per accidens / wie sie gemeinig-
lich dahin fallen / wo sie sonst nirgend mehr aus könn-
nen.

Denn sol ein Liecht der warheit in diesen sachen recht
scheinen vnd leuchten/ so mus der grund allein genomen/
vnd recht vorgebracht werden / aus heiliger Göttlicher
Schrift / dazu soll man auch billich faren lassen/alle le-
ster vnd schmehe wort / falsche deutung/ vnrechte glosen/
Lügen/vnd böse nachreden/vnd allein von der sachen/vnd
deme reden vnd handeln/das da gewis vnd in öffentlichen
Büchern ausgegangen ist / solches ist ja billich Christlich
vnd nötig.

J iij

Sollen

Sollen wir nun das annehmen vnd loben / welches wir in einem kurzen büchlin / als verfälschungen der leer / vnd anderer ding verzeichnet vnd gestrafft haben / so wil von nöten sein / Das sie es von ersten / klar vnd krefftiglich beweisen / das es Göttliche warheit / vnd nicht verfälschungen sind / Thun sie es aber nicht / so werden sie schuldig sein vnd überwunden bleiben / vor Gott vnd seiner Kirchen / der verfälschung vnd des waren abfals / welches sie denn gerne / wo es ihnen möglich / auff vns temmen vnd legen wollen.

Derwegen bezeugen wir ernstlich / vnd von ganzem hertzen / vor Gott / den lieben Engeln / Menschen / ja auch den Teufeln dazu / das wir sampt andern Gottesfürchtigen / keinen Krieg führen wider die herlichen Gottes gaben / nicht wider dasjenige damit man sich gegen vielen wol verdienet hat / auch nicht wider einiger Personen hoheit vñ ehre / nicht wider Gottselige schulen / nicht wider ehrliche Künste / wie man denn solche ding bösllich vnd fälschlich auff vns dichtet / Auch straffen wir nicht / was an sich selbst gut vnd nützlich ist / Sondern das wir allein aus höchster dringender vnuermeidlicher noth der Kirchen / erinnerung vnd warnung thun / von deme / das man aus dem weg ist geschritten / vnd von den verfälschungen vnd derer nicht wenige / noch geringe / von bösen / unnützen vnd fehrlichen sachen / vnd in Summa von giftigen schweren vnd verzerenden Krebsen / vnd das wir nichts mehr / noch lieber begern wünschen vnd bitten / denn das dieselben Interimistischen / vnd Adiaphoristischen befleckungē erkant / abgesondert / weggeworffen / geheilet vnd verdampft würden / auff das sie nicht jetzt vnd hinfürder der Kirchen Gottes zeitlichen vnd ewigen schaden zuziehen.

Weiter / dieweil wir in dieser Schrift / kurtze halben / nicht alle verfälschungen erzelen von denen wir sonsten mit viel andern rechten Christen warnung gethan haben / So wollen

wollen wir vns hierin/auff das selb vnser kurtzes büchlein
öffentlich beruffen vnd gezogen haben / daraus mag der
Leser auch die anderen stücke so hie nicht gerürt sind wor-
den/nemen. Wenn auch ein Christ mit rechtem vleisse ernst
vnd nachdencken/die Adiaphoristischen handlungen wird
lesen/so wird er befinden/das aus denselben/vnd aus dem
Leipsischen Beschlus / den sie listiglich ausgelassen ha-
ben/alle dieselben verfälschungen herkommen sein / vnd wir
sie auch daraus genomen / vnd der Kirchen warhafftig/
vnd nicht mit falscher deutung / vor die augen gestellt ha-
ben.

Wir müssen auch dieses gedenccken/das vns sehr wehe
thut/das etliche leute allzu gar leichtlich gehör/vnd glau-
ben geben / denen / so vns vbel nachreden. Vnd bitten
alle ehrliebende Christen/sie wollen doch Gott fürchten/
vnd nicht jemand irthum zumessen/ derer sie keine gewisse/
beständige öffentliche zeugnis haben. Vnd ist zwar das
gar ein vnmenschlich vñ Teuflisch gedicht/das etliche vor
gar gewis vorgeben / Illyricus streitte / das das wörtle
λογος / Wort/im ersten Capitel des Euangelij Johannis
nicht bedeuten sollte den Son Gottes/die ander Person in
der Gottheit/gleiches wesens/gleich ewig vnd Allmechtig/
mit dem Vater vnd dem heiligen Geiste. Das man nun ime
für Gott vnd der welt vnrecht thu/geben wir ime derhal-
ben zeugnis/das wir eben zur selben zeit/da diese lügen erst
mals ist ausgebreitet worden / mit ime sind vmbgangen
vnd bey ime gewesen/vnd wie ein vn Sinnig vnd boshafftig
ding ist es doch/so gar vnuerschempt etwas auszugiessen/
dauon man doch weder von gewissen leuten/noch Schriff-
ten einigē grund hat. Dergleichē sind auch diese stück/das
wir ausgeschrien/ vnd in die leut getragen werden/für An-
tinomer / die da leugneten gute Werck weren nicht nötig.
Darumb / das wir straffen vnd verdammen / den ansatz
vnd orthband/nemlich/zur seligkeit/ Wo haben wir aber
solches

K

solches

solches geredet/geleret/geschrieben/ oder vns auch dauon
trennen lassen?

Ein solcher hemischer stich ist auch dieser / das sie in
rück'en hinder vns her/ vns verleumbden vnd lestern / Als
lereten die Sechsischen Kirchen in irer bekentnis / von des
Herren nachtmal/das der leib vnd das blut Christi sey in
Steinen vnd Beymen / gleich wie er ist im brauch des
nachtmals / darumb das sie die zwinglische schmermerey
verdammten. Darzu sagen wir/ das solchs gar öffentliche
vnschambare lügen sind / damit vnschuldige leut nicht
von ein guten Geist/beschmützet werden. Es wer aber sehr
gut/das man einmal ein Register oder verzeichnis liese aus
gehen von dergleichen Sophistischen Argumentationen/
vnd schliessereien/damit doch solche falsche deutungen et
wan mehr bekant möchten werden/wie wir denn auch hof
fen/es werde ein mal geschehen.

Letzlich so viel betrifft die jenigen / welche dis buch
der Adiaphoristischen handlungen / gezimmert vnd zusas
men geraffet vnd geflickt haben / fragen wir nicht gros
darnach/wer die Meister sind / allein ist vns das sehr bes
chwerlich/ das es vnter so einem gar gemeinen namen/der
Wittenbergischen Professorn ausgegangen ist / denn gewis
ist es/das nicht alle professorn daselbst/die schrifft zuorn
ehe sie ausgegangen ist / gesehen/ viel weniger gebilicht vnd
gelobet haben/vnd kan derwegen in solchem hauffen / der
auch jmerdar verendert wird/niemand als der rechtshul
dige ergriffen werden / gleich wie der Niemand/vnd Pas
quillus sein geselle thun/die müssen nun hie auch Patronā
dieses Buches sein. Den der dichter hat sich vnter iren man
tel verstecket vnd verborgen. Es geht aber wol das gemein
geschrei/das der fürnemeste werckmeister dieses buches sol
le sein gewesen/M. Paulus Eber. Ist deme nun also / wie
wir denn nicht wissen/vnd solche schwere last/ nicht gerne
jme wolten gönnen / so mag er mit zusehen/Man sagt im
Sprich

Sprichwort/bald geschehen/das lange gerewet / wir wissen auch / das er vor etlicher zeit selbst/ die Adiaphoristischen hendel verdampt habe. Darnach so vermercken wir in diesem Buch/ein wunder seltsame Rhetorica. Denn erstlich geschicht erzehlung der Adiaphoristischen hendel/mit einem sehr langē vnd hochdrabenden geschwetz/vnd wird mancherley weis in einander geworffen vnd verwirret/also/das der leser mehr irre wird gemacht/den zu richtigerem verstande gebracht. Darauff wird abermals eben das selbe noch einmal widerholet/in den handlungen. Zum dritten/so wird eben derselbe gesang auff einerley weise am ende gehöret/Es ist auch die rede so gar runder seltsam affectirt/hochfliegend vnd prechtig / das es nicht wol sein kan/das es eines einigen gedicht allein sey. Sondern es lest sich ansehen/als sein der köche etliche/viel sind zu samen gewesen/die mit an dem brey haben gepülzet/darumb so hat ein iglicher Koch seine gedancken / als ein gut gewürze wollen mit einmengen/Wir wolten aber wünschen/das man solche wichtige sachen der Kirchen / nicht vnter dem gauckel hütlein des Niemand's spielte/sondern das jmand frey öffentlich auff den plan zum Kampf/ herfür trete/den man in der Kirchen kennen möchte / vnd den tapfern Helden vnd Hertzogen der Adiaphoristen sehen/in seinem grossen Fedderbusche. Es wird aber der liebe Gott solche schleichende geister / Nachtraben/ vnd liechtflüchtige die nür aus dem finstern fechten / das nicht ehrlich gehalten wird/zu schanden machen vnd straffen.

Solchs haben wir aus höchster dringender noth/ doch mit solcher bescheidenheit als wir jmer gekont/auff das Buch/der Adiaphoristischen handlungen antworten müssen / vmb zweierley Ursach willen. Erstlich das wir solcher schendlicher aufflagen vns entledigten / so viel als möglich sein kan / in dieser bösen welt/da der menschē gericht vnd vrteil so gar verkert ist. Zum andern/das wir eine

Kurze Summa des ganzen Adiaphoristischen handels/
vnd wie der selbe sol gerichtet werden / angezeigt vnd den
einfeltigen darinnen dienete / wir sind auch des erbötig / das
wir von dem grund dieses streittes / gern weitläufftigern be
richt thun wollen / so man auffrichtig mit einander han
delt / vnd wolt Gott / das one bitterkeit / one hochmut / ver
achtung vnd nachrede anderer / allein blos von den sachen
an jnen selbs / einfeltig vnd schlecht / meinung gegen mei
nung / grund gegen grund / gehalten vnd erwogen / vnd als
les nur auff dieses ende gerichtet würde / das die warheit
möchte erleutert werden / vñ das auch die jenigen so etwas
geringer / vnd doch von hochwichtigen sachen / der Kirch
en zu gut / erinnerung gethan haben / nicht mit solchem hö
nen vnd lesterungen / gehönet vnd geschendet werden. Es
soltten aber mit allem ernst dazu helffen / beide Fürsten vnd
Stedte / Gott dem Herrn zu ehren / jnen selb vnd den jren /
auch allen nachkomen / zu nutz vnd fromen / Das man
doch ein mall eine Christliche versammlung ansetzte / darinn
nen so wichtige streitige sachen recht Christlich vnd gebür
licher weisse möchten verhört vnd geschlichtet werden /
welchs zwar bis anher alle Christen vleissig begeren /
drumb bitten / vnd noch darauff warten.

Gott der ewige vater vnser Herrn Ihesu Christi / der das
licht des heiligen Euangelij / aus grosser Barmherzigkeit
vns offenbart / vnd auch den Antichrist selb auffgedeckt
hat / der wolle beides auch erhalten / vnd der menschen ge
müt Regieren / das sie alle des Antichrists mall vnd schand
zeichen fliehen vnd verfluchen / vnd ire felle nicht ver
tedigen / Sondern dem ergernis abhelffen / vnd
zur seligen einigkeit der waren Kirchen Got
tes helffen. Amen. etc.

Etliche

Etliche Achilleische vnd sehr scharffe
Argument vnd Schulsreden / welche die Adiaphorista
ste ihren Schülern vnd Vertrettern / in ihren Schrif
ten / zu einem Exempel der Sophistereien pfles
gen fürzustellen.

I.

Illyr. erinnert / das man in die definition vnd
beschreibung des Sons Gottes / nicht sol einmen
gen / als ein klar ding / vnd als einen Artikel des
glaubens / das der Vater seinen ewigen Son also gebere /
das er sich selbs bedencke vnd anschawe denn diese weise ist
in der heiligen Schrift nicht klar offenbaret.

Darumb so reisset Illyr. den Son Gottes von dem
stuel seiner Göttlichen Maiesteth herunder / vnd leugnet /
das Johan. am 1. cap. λογος das wort den Son Gottes
heisse.

Ursach solcher folge ist. Denn man mus den falschen
verleumbdungen der Adiaphoristen starck glauben / ob sie
gleich dieselben nicht können mit einem buchstaben oder
titel beweisen vnd darthun. Vnd ob gleich Illyr. sagt / be
kennet / schreibet / das man jm gewalt vnd vnrecht thu / denn
er niemals geleugnet / sondern allzeit geleret / das Gottes
Son eine Göttliche / wesentliche Person der heiligen drei
feltigkeit sey / gleiches wesens / ewigkeit vnd allmechtigkeit /
mit dem Vater vnd heiligen Geiste / Item das λογος / das
wort Johan. 1. heisse den Son Gottes / welcher eine vnter
schiedene Person ist / vom Vater / vnd ist zu bestimpter zeit
mensch worden. etc. So mus es doch nicht helfen.

2.

Illyr. lere mit der heiligen Schrift vnd Luthero / das
K ij

iii

in der widergeburt vnd in geistlichen sachen/des menschen
wille nicht frey sey.

Darumb so billicht Illyr. *fatum Stoicum*/das sünd vnd
schande nothalben aus Gottes unwandelbarer ordnung
geschehen/leret das man auff sonderliche erleuchtung vnd
ziehung warten müsse/leugnet das ein mensch mit der ver-
nunfft euserliche werck regieren könne.

Ursach der folge ist/denn die Adiaphoristen können
in irem folgern vnd lügenhafftigen verleubden nicht irren.
Da mus der Glaube nicht ane wancken.

3.

Illyr. erinnert/das man in die eigenliche definition
vnd beschreibung des Euangelij/nicht sol mit einmischen/
das es sey ein Predigt der Bussē/ursach ist diese/Denn sol-
ches gehöret eigentlich dem Gesetze zu.

Darumb ist er ein Antinomus/ein gesetz schender/vnd
stosset das ganze *corpus Doctrinae* oder die *Loc. Com.* gar vmb
vnd zu boden. Behüte lieber Gott behüte/welch eine dür-
stige that ist das.

Ursach der folge ist/denn im Speck hölzlin sind viel
frösch/darumb sol man Illyr. aus dem ganzen Röm-
schen Reich veriagen.

4.

Illyr leret/das man nach art der heiligen Schrifte
ja vleisig vnterscheiden sol/vnter der zugerechneten gerech-
tigkeit/vnd der newerung oder newen gehorsam/das ist
den guten wercken.

Darumb so leret er/das solche beide eines sind/vnd
menget alle beide durcheinander her.

Ursach der folge/denn wenn man etwas von einan-
der recht vnd artlich scheidet/so wirfft man es durch einan-
der her/vnd ist eine köstliche schlusrede.

Illyr.

5.

Illyr. widerleget die lere Osiandri aus der heiligen
Schrift / darumb ist er ein Osiandrist.

Ursach der folge. Denn wo man zwey widerwertige
ding zusammen setzet / so wird eine sehr gute Schlussrede
draus / gleich wie feuer vnd wasser sehr fein zusammen kün-
nen verlötet werden.

6.

Die Sechsischen vnd andere Kirchen / verwerffen vnd
verdammten ans heiliger Schrift die lere / das gute werck
zur seligkeit nötig sind.

Darumb so leugnen sie ganz vnd gar / das gute werck
nötig sind.

Ursache der folge. Denn es ist ganz vnd gar einerley
vnd gleichstimmende / rede vnd lere / Gute werck sind nötig
zur seligkeit / vnd Gute werck sind nötig. Da sage niemand
nein dazu.

7.

Die Sechsischen vnd andere Kirchen / leren vnd be-
kennen / wider die Sacramentirer / das im brauch des Ab-
endmals des Herren / der ware Leib / vnd das ware Blut
Christi empfangen werde / nach den klaren Worten Chris-
ti.

Darumb so leren sie / das der Leib vnd Blut Christi in
holz vnd steinen sey.

Ursach der folge. Denn die Sacramentirer sol man
verteidigen / Aber welche recht vom Abendmal leren / vnd
wider sie streitten / sol man mit verleumdungen beschwe-
ren vnd schenden.

8.

Die Sechsischen vnd andere Kirchen leren / das man
in der lere vnd falschen Mitteldingen / dem leidigen Antis-
christ /

K iij

christ /

christ/ vnd den vnglaubigen verfolgern zu lieb/ willen vnd
gefallen/ nicht sol weichen.

Darumb zanken sie alleine von einem Chorrock/ vnd
raten man solle die Kirchen verlassen.

Vrsache der folge. Denn man sol lieber ein Camel
verschlucken/ denn eine fliege/ denn man hat einen grössern
bissen dran.

9.

Die Sechsische vnd andere Kirchen/ straffen die Adia-
phoristischen Sünde/ Abfeli vnd irthumb/ in der lere vnd
andern dingen/ scheuszlich begangen/ vnd sehen von hertzen
gerne/ das sie ergernis vnd Gottes zorn/ von sich selber/ vnd
allen nachkomen abwendeten vnd auffhüben.

Darumb so wollen sie die Præceptores erwürgen/ die
hohen Schulen verwüsten/ Krieg erregen/ vnd sind Cains
gesellen.

Vrsach der folge. Den grossen ergerlichen Sündern/
sol man sanfft vnd süsse ding Predigen.

10.

Illyr. widerleget mit öffentlichen Schrifften die Pa-
pisten/ vnd des Stenckfelds schmermerey.

Darumb ist er ein Papist/ vnd Schwencckfeldianer.

Vrsache der folge ist. Denn Christus vnd Belial/ liecht
vnd finsternis sind ganz ein ding.

11.

Illyr. vnd andere schreien vnd vermanen/ man sol bey
der Augspurgischen Bekenntnis steiff bleiben vnd halten/
vnd nicht darvon abweichen.

Darumb ist er ein feind der Augspurgischen Bekennt-
nis/ vnd werd das er aus der welt gejagt werde.

Vrsach der folge. Denn warheit bringet vngunst/ vnd
niemand höret sie gerne.

Gedruckt zu J Z E N A.

P.
IP

Monatli


150 M


AB: 154378

ULB Halle 3
004 196 686



Sb.





Sonden vñ diaphori-
stischen verfelschungen in dem grossen
buche/Actorum Synodicorum, das ist / der Inte-
rimistischen hendel/vnter dem vermeinten Na-
men der Professorn zu Wittenberg ausgan-
gen/vnd auffss new widerholet.

Nothwendige Erinnerung durch M. Johannem
Wigand/vnd M. Mattheum Judicem.

Von einem Christen aus dem Latein verdeutschet.

Syrach.4.

Liebes Kind/Brauch derzeit / vnd hüte dich für vns
rechter Sache/Vnd scheme dich nicht für deine Seele das
Recht zu bekennen. Denn man kan sich so schemen / das
man Sünde dran thut / Vnd kan sich auch also schemen/
das man gnade vnd ehre dauon hat. Las dich keine Per-
son bewegen dir zum schaden/noch erschrecken dir zum ver-
derben / Sondern bekenne das Recht frey/wenn man den
Leuten helffen sol/Denn durch bekenntnis wird die warheit
vnd das Recht offenbar.

Kede nicht wider die Warheit/sondern las den hohn
uber dich gehen/wo du in der sachen gefeilet hast. Scheme
dich nicht zubekennen/wo du gefeilet hast/vnd strebe nicht
wider den strom.